



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՆԵՐՍԵՍ ՎԱՆԱԿԱՆ

ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆ

(ՄԻԱԲԱՆ ՄԱՅՐ ԱԹՈՒ Ս. ԷԶՄԻԱՍԵՒ)

ՔՆԱՐ ՀՈՎՎԱԿԱՆ

Տերսես արքեպիսկոպոս Պոզապպյանը (Ներսես Վանական) Մայր Աթոռ Սուրբ Էջմիածնի դիվանապետն է, ճանաչված հոգևորական:

Ծնվել է 1937-ին Կիլիկիայում, որտեղից ընտանիքով գաղթել է Բեյրութ, սովորել Բեյրութի Նուբարյան հայկական վարժարանում, Անթիլիասի դպրեվանքում, այնուհետև կենտրոնական բարձրագույն վարժարանում: 1957-ին եկել է հայրենիք: Ուսումը շարունակել է Մայր Աթոռի հոգևոր ճեմարանում, որն ավարտելուց հետո ուսանել է Անգլիայում, «Հարության քոլեջի» աստվածաբանական բաժնում, ապա ժնկի «Էկումենիկ ինստիտուտում»:

Վարել է հոգևոր ճեմարանի տեսչի պաշտոնը, հետագայում հրավիրվել Եվեյցարիա իբրև հայ համայնքի հոգևոր հովիվ: Տարիներ շարունակ եղել է հայ եկեղեցու Անգլիայի թեմի առաջնորդը: 1983 թվականից եկեղեցիների Համաշխարհային Խորհրդի կենտրոնական կոմիտեի անդամ է:

Նրա բանաստեղծությունների «Տեսիլք հավերժական» և «Հավերժ պատարագ» ժողովածուները լույս են տեսել Վենետիկում:



Ճրագ հարստոն

ՏԵՍԻԼՔ ՀԱՎԵՐԺԱԿԱՆ

Ամեն գիշեր ուշ ժամերին,
Երբ անջում էր աշխարհն համայն,
Նա ծնրադիր ու մտածկոտ,
Վաղարշապատ քաղաքից դուրս,
Հնձանի մոտ կամ ջրհորի
Աղոթում էր պաղատագին,
Հիշում կույսերն անմեղ, անբիժ՝
Հավատի զոհ սուրբ Հոփսիսիմյանք,
Անմահ Բանին մատակարար
Լուսավորիչ զուգ Առաքյալք:
Լոկ աղոթք չէր և կամ խնդրանք
Նրա խոսքը հոգուց բխած,
Չէր երախտիք նրա համար,
Որ ինք փրկվեց Խոր Վիրապից:
Դա ծարավն էր, տոչորումը
Իր Տիրոջ հետ հաղորդության,
Որ բերում էր նրան այդտեղ
Ամեն գիշեր այդ ուշ ժամին:

Եվ մի գիշեր, երբ խավարն էր
Պատել չորսդին, աստղերն երկնի
Տարօրինակ մի ճաճանչով
Փայլում էին պսպղագին,
Երբ ամեն կապ հաղորդության
Կտրվել էր երկրի վրա,
Եվ աղոթքով երանական
Նա տարվել էր ու վերացել,
Հանկարծ զգաց, որ ինք մասն է
Զվարթնոց դասին և ոչ մարդկանց:
Ծիշտ այդ պահին, բաց երկնքում
Աստղերն ամեն խմբավեցին,
Լույսն հավաքվեց և դարձավ ծով,

—Լուսանճաննչ մի լուսարձակ՝
Երկնից երկիր շողարձակված:
Եվ այդ պահին երկնի հրեշտակք
Համանվագ ու քաղցրալուր
Երգն երգեցին, բլուր օրհնություն
Բերին աշխարհ նիրհող մարդկանց՝
Մեծին, փոքրին ու բոլորին:
Լույսն առավել պայծառացավ,
Կարծես բացվեց մի պատուհան
Երկնի վրա լուսապայծառ,
Եվ այդ լույսի հեղեղի հետ
Իջավ աշխարհն Այրարատյան
Աստվածորդին ոսկեպսակ,
Աստվածորդին այն փառահեղ,
Պերճ զգեստով՝ ոսկի, արծաթ,
Բեհեզներով ազնվական,
Հազար ակամբ՝ զմրուխտ, հակինթ:
Իջավ աշխարհն Այրարատյան
Ու իր ձեռքի ոսկի ուռամբ
Բախեց գլխին ժանտ վիշապի:
Սանդարամետը դրդաց,
Եվ աստվածներն հին կրոնի
Ու մազդեզի վառ ատրուշանք
Դարձան նոխիր ու ավերակ,
Դարձան անցյալ ու հիշատակ:

Խոսեց Արքան տիեզերքի՝
Լուսավորչին Հայաստանի.
«Վայրն այս սուրբ է իմ իսկ իջմամբ
Եվ հաճությամբ, կառուցի՛ր տուն
Դու պաշտաման՝ վերածնված
Փոքրիկ հոտին քո Հայկազյան»:
Եվ այդ պահին, բաց երկնքում
Ուրվագծվեց լույս շողերով
Նախատիպը Մայր Տաճարի

Աչքի առջև Տեսանողի:
Հավատքի հայր Լուսավորչին
Զգլխանքից երանական
Երբ սթափվեց, երեք անգամ
Խաչակնքեց ու ծնրադրեց,
Որ Տերն իրեն արծանացրեց
Կենդանությանը հաղորդվել
Աստվածային սուրբ խորհրդին,
Հավերժական այս տեսիլքին:
Պալատն ամբողջ քնել էր խոր՝
Մեծ տեսիլքին նա անհաղորդ.
Պահակները անջել էին
Տոթ գիշերվա մեղկ թմբիրով:
Ոչ ոք եղավ ականատես,
Ոչ ոք եղավ ունկամբ վկա
Մեծ տեսիլքին այս անմասն,
Բացի մեկից՝ Լուսավորչից:

Պալատ մտավ Լուսավորչին
Առավոտյան վաղ, քան արփին,
Փոխվել էր նա, պայծառացել,
Նոր ավյունով գեղեցկացել:
Հայոց արքա Արշակունի
Մեծ Տրդատին նկարագրեց
Տեսիլն ահեղ ու փառավոր
Նախորդ գիշեր իրեն շնորհված:
Ծնկի իջան հայոց արքան,
Արքայազունք պալատական
Եվ ուխտեցին փութանակի,
Ժողովրդով միասնական,
Կերտել տաճար մի սրբազան,
Ի հիշատակ Աստվածածնի՝
Սրբուհի մորն աստվածպարզ
Տյառն Հիսուսի՝ «Էջմիածին»:

Այն օրվանից մինչև այսօր,
Հազար և յոթ հարյուր տարի,
Ժամանակը պանում է
Առանց կանգառ ու դադարի.
Կառուցվում է տաճարն այս հին
Մեր թշնամյաց ավերներից:
Կառուցվում է հավերժական
Տաճարն հայոց ամբողջ ազգի
Ձեռամբ մեն մի գահակալի
Լուսավորչյան Սուրբ Աթոռի:

Ու տե՛ս, որդի հայկյան զարմի,
Դու՛ ժառանգորդ թանկ ավանդի,
Սուրբ Գրիգորն ու մեր նախնիք
Կառուցեցին տաճարն այս սեգ:
Նա չեղավ լոկ ամրախարհսիս
Ու նյութեղեն մի կերտըվածք,
Նա եղավ պո՛ւն, ոգո՛ւ տաճար,
Մի նոր կյանքի կանչող տապան:
Դու ծնվեցիր նրա ծոցում,
Դարձար որդին վերածնված
Նոր Սիոնի, դարձար վկան
Քո հավատի, պայծառացար,
Ժանտ թշնամու սրի դիմաց
Կուրծքդ դրիր, չվախեցար:
Քանի՛ անգամ մեռար փառքով
Ու թաղվեցիր, բայց միշտ հարյար,
Դարե ի դար ուխտի եկար,
Քո հայրենյաց փառքով սնար
Եվ ուխտեցիր փառքն հայրենյաց
Պահել բարձր, սուրբ ու անբիծ
Եվ փոխանցել այն անաղարտ՝
Սերունդներին մեր հայրենյաց:

Փետրվար 1986

ՀԱՎԵՐԺ ԵՐԱԽՏԱՎՈՐԻՆ

Ես՝ ուխտավոր Օշականի սուրբ Մեսրոպի գերեզմանին,
Երախտագետ սրտով խոնարհ՝ վերհիշելով եմ ես քայլում
Ոտաբոքիկ, փուշ ու տատասկ, խիճեր և խոթ անտեսելով,
Իբր ուխտավոր հողարկավոր, քայլում եմ ես հին ճամփեքով:

Վերհիշում եմ այն օրերի վիշտն անամոք, կսկիծը խոր,
Երբ քեզ տարան Ամատունյաց գյուղն Օշական՝ հողին տալու,
Այն օրերին երկինքն հայոց մթազնել էր սև ամպերով,
Միակ լույսը՝ հույսի խորհուրդ քեզ հովանի խաչն էր երկնի:

Այրարատյան լայնարձակ դաշտն ամայացել, դալկացել էր,
Ձմռան նինջով քնել էին ծառեր ու թուփ, դաշտ ու ձորեր,
Ծամփի եզրին, շեների մոտ հավատավոր հայրորդիներ
Վերջին հարգանքն էին տալիս՝ խոնարհ գլխով հողարկավոր:

Եվ թափորի շարքը արագ, ալիք-ալիք խտանում էր.
Թափորապետ Հայրապետի շուրջ բոլորված վանականներ
Աղու ձայնով երգում էին քո իսկ գրած շարականներ,
Ազո մոայլն էր տարածում թևերը իր՝ սրտերում խոր:

Ո՛վ իմանար, Հացեկացի, քո գնալով՝ գալիս էիր,
Տվել էիր մեզ մի գրահ հաղթահարող ահը չարի,
Նենգ թշնամու դեմ համառող, քաղաքակիրթ ազգաց շարքում
Մեզ հաստատող, մեզ սնուցող, կյանք պարգևող այս աշխարհում:

Գունդ-գունդ եկել խմբվել էին ահել-ջահել երկու սեռից,
Ծրջապատել հազարապետ Ամատունի իշխանն հայոց,
Նրա կողքին մատուցելու հարգանքն վերջին մեծ ուսուցչին՝
Դարե ի դար մեզ սնուցող ժողովրդի անմահ գավկին:

Տարոն գավառ, գյուղ Հասցեկաց և մի խրճիթ, հայրը՝ Վարդան.
Փոքր Հայքի լեռների մեջ բերրի հովտաց դու բալասան,
Ծնվեցիր հեզ գերթ շինական, հոգով՝ վեսմ, ազնվական,
Ուսումնական բարձունք հասար, դարձար խոհեմ զինվորական:

Արշակունյաց գահն էր ընկել, աշխարհն հայոց բաժանվել էր
Երկու մասի, ընդմեջ հզոր պարսիկի և Բյուզանդիայի,
Երկիրը մեր գերի դարձել, ստրկացել զույգ ազգերին.
Եղել, ավա՛ղ, կովսխնձոր անտիրական և անիշխան:

Համոզվեցիր կյանքի փորձով, որ զենքը չէ հույսը հայի,
Թագավորին իբր քարտուղար՝ ճանաչեցիր վիճակն ազգի,
Որ հայն ապրի պիտի միայն թշնամյաց մեջ նենգ, տիրական,
Մշակույթով իր սեփական՝ միության իր իբրև խորան:

Լքելով զենքն ու համազգեստն զինվորական, դու ընտրեցիր
Սև պարեգոտն ու կնքուղը վանականի և մերժեցիր
Կյանքի շպար ճոխությունն ու հաճույքները անցողական,
Նվիրվեցիր ողջ էությանը մեծ տեսիլքին հավերժական:

Ողջ աշխարհում թափառեցիր, աղթելով դու երկնեցիր,
Գիշերներդ լուսացրիր, շնորհի լույսդ բազմացրիր,
Գիրը բերիր դու Դանիելի հայոց լեզվի հնչման համար,
Թերի գտար, ստեղծագործ կամքով կրկին դու ճգնեցիր:

Աստղերի մեջ որոնեցիր գիսավորներ հրաշալի,
Մե՛ն մի շեշտին, մե՛ն մի ձայնին դու ձև տվիր զարմանալի,
Աստղերն երկնից երկիր բերիր, լուսապսակ դու կազմեցիր,
Դիրր ճակտին քո իսկ ազգի և քո փառքով պսակեցիր:

Հրաշքն արդեն կատարվել էր, հավատն արդեն ընձյուղ տվել,
Տարիների տենչդ ահա դարձել էր գիր, դարձել հնչյուն,
Դարձել էր շեշտ ու այբուբեն, մեր քարավանն առաջնորդող
Սյուն լուսեղեն, ամպ լուսավոր, գիշերը մեր ցերեկ դարձնող:

Փառքով եկար դու Հայրենիք՝ հայոց աշխարհն Այրարատյան,
Իջար փառքով դու երկնքից գերթ մանանա ամենահաս,
Քո լծակցի՝ սուրբ Սահակի հետ հիմնեցիր նոր ճեմարան,
Հպար քիմքին սերունդների անմահության գինով բուրյան:

Երկփեղկված Հայաստանում նորոգ կյանքի շունչը փչեց,
Ձմեռն անցավ, հուսալքված սիրտը հայի զարթնեց քնից,
Փառքը գյուտի սփռվել էր ողջ տարածքով մեր աշխարհի,
Վերանորոգ կյանքն էր լցվել աշխարհաշեն նոր տեսիլքի:

Բացվել էին ամենուրեք վարժարան ու դպրանոցներ,
Եվ սերունդներն եկել էին հագենալու առանց խտիր,
Այն օրվանից մեր մայրենին՝ լքված, անգոր ու անպաշտպան,
Դարձավ ջահել, քնքշանքով լի հարսն երկնատուր հայ գրերի:

Արևավառ հողն հայրենի— սխրանքների առկայծ օրրան—
Գյուտի փառքով վերածնվեց, իր վրայից նա թոթափեց
Խավարն իբրև մաշված զգեստ, հագավ կյանքի նոր պատմուման,
Նոր շրերով պճնազարդվեց, հավերժության ուղին հարթեց:

Մեր դպրության վարդապետներն՝ Եզնիկ, Հովսեփ և Եղիշե,
Մովսես Քերթոզ, Անհաղթ Դավիթ փիլիսոփա և շատ շատեր
Եռամեծի շուրջն հավաքված՝ սկիզբ դրին թարգմանության՝
Կյանքի մատյան, կյանքի տվիչ աստվածաշունչ Բանին անմահ:

Աստվածաշունչ գրքի կողքին փութանակի թարգմանեցին
Բագում գրքեր իմաստության վարդապետաց աստվածաբան
Եվ ուսուցին, սերմանեցին, լուսե անձրև երկնից բերին,
Հայկյան զարմի որդիների մտքերն լույսով ոռոգեցին:

Առաքելոց արյամբ ցողված Եկեղեցին Հայաստանյայց
Լուսավորչի հավերժական տեսիլքով էր լուսակերտված.
Գիտության լույսն առատացավ, երբ Մաշտոցի շունչը դիպավ.
Եկեղեցու սուրբ խորանի ջահն առավել պայծառացավ:

Դարեր անցան, ձիգ ու դժվար, տխուր ու մութ դարեր ցավի,
Աշխարհն հայոց քանի՜ անգամ դարձավ կրկես մութ ուժերի,
Զարմանում եմ թո տաղանդով և թո գյուտի խոր արժեքով,
Հիանում եմ գյուտի փառքը կերտող հայով՝ սուրբ Մեսրոպով:

Քո իսկ կերտած գիրը պահեց ազգը հայոց մեր հայկազյան,
Գիրը պահեց հավատը մեր, ինքնությունը մեր անասան,
Գիրը վերցրեց, մեզ բարձրացրեց, դարձրեց հասու իմաստության,
Գրով կնքվեց անունը թո անջնջելի մեջ պատմության:

Ո՛վ վարդապետ, թո տեսիլքի արգասիքով՝ այբուբենով,
Դու փրկեցիր ազգը հայոց հար ուժացման վտանգներից,
Փառքն անցյալի ճանաչելու, ինքնակերտման ճամփա բացիր,
Մեզ ուսուցիր սիրել վսեմն ու կատարյալն առանց խտիր:

Ո՛վ եռամեծ մեր վարդապետ, սրբագույնդ հայ սրբերի,
Ասա՛, խնդրեմ, գյո՛ւտն էր հրաշք թո ստեղծած հայ գրերի,
Թե՛՞ տեսիլքը գյուտի ճամփով հայոց ազգի հավերժացման,
Ո՛վ ուսուցիչ իմաստնագույն, խորագետ ու հավերժական:

Ես՝ այցելու և ուխտավոր Օշականի գերեզմանին,
Հետևում եմ վերջին երթիդ: Սգավոր չեմ, հա՛յր իմ անգին,
Վերհիշելով անցյալը մեր քայլում եմ ես մտամոլոր,
Փառքիդ լույսով պայծառացած երախտավոր մի ուխտավոր:

Ծաղկել եմ, արդ, ճամփաները նվիրական Օշականի,
Ծովողում եմ թո գրերով որդիների Հայաստանի,
Ե՛կ վերստին, փառքդ հայոց, մեր լեռներից հուշիկ իջի՛ր,
Լույսերի ծով մեր աշխարհում օրհնաձիր Աջդ տարածի՛ր:

Նախնիրն անցավ մեր երեկվա, եկան կյանքի ծաղկուն օրեր,
Ծառ կոունկներ վերադարձան, վերագտան իրենց բույներ,
Խիղով լցվեց երկիրն հայոց, խոխոջն առվի օղը լցրեց,
Խաղաղության ձայնը հնչեց, աշխատանքով կյանքը զուգվեց:

Ո՛վ առաքյալ երկնապարգև, անզուգական մեր առաջնորդ,
Դու հայ հողից ծնված ընծա, ծառ լիառատ և պտղառատ,
Դու՛ խտացումն հայ հանճարի, լուսարձակ մի՛տք դարերի մեջ,
Դու՛ զարդարուն շնորհներով աստվածատուր մեծ ուսուցիչ:

Որքան ձգվեմ դարերն երկար, մեծանում ես, պայծառանում,
Վեհանում ես, իմաստնանում, որքան միտքն է մեր զարգանում,
Դու լույս էիր խավարի մեջ, և լույսը թո պայծառացավ,
Դարե ի դար շքեղացավ, անհաս փառքի արև դարձավ:

Փետրվար 1987

«Մի՛ ՄԵՐՉԵՆԱՐ ՅԻՍ»...

Կանգնած եմ ես աղոթքի,
Ես ու մեղքերս՝ կողք-կողքի,
Ո՞րն եմ ես, կամ ո՞րն է նա,
Ծփոթվել եմք, խառնվել...

Մերթ ելնում եմ վեր, երկինք,
Սրբության հետ հաղորդվում,
Մերթ իջնում եմ վար, երկիր,
Հոգիս տիղմին թաթախում...

Երբեմն թեթև ու անհոգ
Սավառնում եմ երկնքում,
Կարծես լինեմ մի հրեշտակ
Ամենդ, թեթև, թափանցիկ:

Մտածում եմ, մոլորուն,
Եվ պատասխան չեմ գտնում.
Գուցե մեղք է, սայթաքում
Երջանկության վայելքն էլ...

Վայելքն էլ է մի հեշտանք,
Զգացական մի պատրանք
Հոգին խնկով պարուրող,
Մարդուն հույսով օրորող...

Ինձ թվում է՝ այս կյանքում
Բնության կամքն է իշխում,
Ինչ որ դուրս է օրենքից,
Մեղք է ծանր՝ կապարից:

Գեթսեմանի պարտեզում
Հարուցյալն էր պատգամում.
«Մի՛ մերձե՛նար», մի՛ հպիր
Ինձ դու հողե մատներով:

Նոյեմբեր 1988

Դարեր առաջ, շատ առաջ, Բեթղեմեմի դաշտերում
Իրենց հոտի պահապան պարզ ու խոնարհ հովիվներ
Ջարմանքով լի դիտեցին աստղն անսովոր երկնքում,
Մինչ հրեշտակներն հնչեցրին մեծ ավետիսն երկնային:

«Խաղաղություն երկրի վրա, փառք երկնքում Աստծուն
Եվ մարդկանց մեջ՝ հաճություն», պատգամն այս էր ամենքին.
Հազար շեփոր հնչեցրին, փառաբանանք երգեցին,
Ջյան պես աշխարհը ծածկեց շնորհն առատ, երկնային:

Մանկացել էր ինքն Աստուած Բեթղեմեմի մտրում,
Մխիթարանք էր բերել նա հուսաբեկ սրտերին,
Սեր էր բաշխել իբր ավանդ՝ ցանկանալով, որ նրանք
Սիրեն ոչ լոկ ընկերոջ, այլ՝ թշնամուն նենգ, անարգ:

Գիշերվա անն մոռացած՝ հովիվները դիմեցին
Դեպի քաղաքն Բեթղեմեմ, դեպի մտրը լուսե,
Որ Փրկիչն էր լուռ ննջում՝ խանձարուրով պարուրված,
Եվ սիրակաթ ծնողներն հսկում էին շնորհագարդ:

Արդարության պատգամով, խաղաղության դրոշով,
Ծնվեց Փրկիչն աշխարհի խոնարհության քարոզով,
Եվ նա դարձավ անմահ խոսք, կրոնալսյին լույս դարձավ,
Դարձավ հրաշք անսովոր և մանանա երկնավոր:

Իբրև նշան իր սիրուն՝ տաճած համայն մարդկության,
Խաչի վրա նա հեղեց թանկ արյունն իր փրկարար,
Հաղթեց մահվան իր մահվամբ, մահվան վճիռը պատռեց,
Աստուծո և մարդկության միջև նոր ուխտ նա կնքեց:

Աչքերս երկինք եմ հառել ես օգնության աղերսով,
Որ աստղն երկնի հայտնվի երկրորդ անգամ իր ցուքով,
Մեր խավարը վերածի լուսաճաճանչ ցերեկի,
Փոխան նրա մանկանա մարդկությունը նոր դարի:

Հոկտեմբեր 1986

ՍՈՒՐԲ ՀԱԿՈՐ

Խորհրդովդ այսօր իմ սիրուն եմ լցնում,
Մտովին թռչում, քեզ եմ միանում,
Սրովքե հողեղեն, վկա Քրիստոսի,
Փորձում եմ շնչովդ պարուրել հոգիս:

Դարերի խորքից հնչող քաղցր կանչ,
Կենդանի քարոզ և անանց դողանջ,
Հոգով՝ բարեգութ, խղճով՝ զգայուն,
Վերուստ ստացված բաշխվող բարություն:

Դարեր շարունակ քեզ ուխտի եկան
Ծարավ հոգիներ, շնչովդ ճոխացան,
Քանինե՞ր քեզնով նոր կյանք ստացան,
Անանուն ցավով բախասան գտան:

Քանի՞ հպարտներ քո տեսքը խոնարհ
Արհամարհեցին, ծաղրել փորձեցին,
Երկնատուր ուժը հոգուդ վեհության
Զգեսնեց նրանց իսպառ, հավիտյան:

Նոյան տապանին հասնել ցանկացար
Եվ բազում՝ անգամ Մասիս բարձրացար,
Որպես պատասխան քո վեհ ցանկության,
Ստացար պսակ իհայտից փրկության:

Դու աստվածային անհաս բարության
Հավատում էիր տենչանքով վառման,
Նոյան տապանի փայտից ստացար,
Փրկության խաչի նախատիպն գտար:

Ո՞վ դու հրաշագործ և երանելի
Հողեղեն հրեշտակ, մարմնեղեն սրովքե,
Անցել եմ դարեր, շողա՛ շարունակ,
Փոթորկոտ կյանքում փարո՛ս լուսարձակ:

Տո՛ւր քո հավատի կայծից ամենքին
Կյանքի այեկոճ այս տարիներին,
Տո՛ւր խաղաղություն համայն աշխարհին,
Նավապետն եղիր մեր նկուն նավի:

Դեկտեմբեր 1986

Գեղեցկությունն լուսաշող...
Աչքեր ծավի, ծով ծիծաղ,
Քաղցրահնչյուն մեղեդի,
Լույս հորիզոն հույսերի:

Ունքեր՝ կամար հրեղեն
Գալիք փառքին դիմավոր,
Գունեղ գոտի ծիրանի,
Կյանք ու երազ՝ կողք-կողքի:

Ծուրթեր՝ թերթեր վարդերի,
Ցողով շաղված վաղորդյան.
Ոչ մի խոսք դեռ չի եղծել,
Կուսական գեղն աղարտել:

Այտեր՝ մարմար լուներանգ,
Ծերմակ, մաքուր, թափանցիկ,
Որ, իբրև կյանք ու խայտանք,
Փթթող ժպիտդ է շոյանք:

Չկա շպար երկրային
Համեմատվող քո գեղին,
Աստվածային քո տեսքին,
Քո կատարյալ էության:

Օգոստոս 1988

Պատարագվող Գառն Աստուծո,
Վասն մարդկան ամենայնի՝
Կենդանյաց և հանգուցելոց,
Ընդ ամենայն ժամանակի:

Խունկ քաղցրաբույր աշխարհ լցնող
Սիրո անմար վառ կրակում,
Կամուրջ՝ կապող երկինքն երկրի
Եվ ծիածան խաղաղության:

Անեծքը հին՝ մեր հայրերի
Սև խարանով դրոշմված,
Մեր ճակատից առհավական
Իսպա՛ն ջնջիր քո սուրբ արյամբ:

Թեթևացրո՛ւ բեռն իմ մեղքի
Ծնորհաձիր հպմամբ ձեռքի,
Որ մաքրությամբ ներկայանամ,
Քո սուրբ տեսքին արժանանամ:

Դո՛ւ՝ Գառ անարատ և զոհ գերագույն,
Վասն քավության թափված թանկ արյուն-
Հեղվի՛ր վերստին և սրբագործի՛ր,
Իմ ծանրածանր մեղքերը քավի՛ր:

Տե՛ր, ինձ շնորհի՛ր վայելքն անբասիր
Մարմնո և արչան քո հաղորդության,
Եվ պատարագվող քո զոհողությամբ
Լցվեմ հոգևին, ոգեղենանամ:

Կենարար սիրո բոցը հրդեհի՛ր
Անհաղորդ սրտիս խոր գավիթներում,
Փշրի՛ր սառույցը իմ մեռելության,
Հաստատի՛ր հավատս հանդեպ մարդկության:

Դո՛ւ՛ լո՛ւսս առաջին, մա՛լը իմ գոյության,
Լո՛ւսս անծայրածիր, լո՛ւսս ճշմարտության,
Հավերժական լո՛ւսս անսահմանափակ,
Անբիծ, անսքող, անարատ, հստակ:

Բա՛ց շամանդաղը աչքիս կուրացյալ,
Նայող՝ չտեսնող, տեսնող՝ չզգացող,
Որ տեսնեմ, զգամ անհիմանալին,
Հոգու աչքերով փարվեմ էությանդ:

* **

Սրբերի սուրբն ես անաղարտ, մաքուր,
Մեղավոր անձիս վերքերն ամոքի՛ր,
Չար խորհուրդներից իմ միտքն ազատի՛ր,
Մաքրության բողո՛ղ դու ինձ պարուրի՛ր:

Թշնամու խոցող գետերից փրկի՛ր,
Լեզվից բամբասող ինձ հեռո՛ւ պահիր,
Անձն իմ զրպարտված դու արդարացրո՛ւ,
Լույսն արդարության իմ մեջ փայլեցրո՛ւ:

Դարձրո՛ւ ինձ ժառանգ հոգևոր զանձին
Մեք սուրբ հայրերի առաքինության,
Բռնի՛ր իմ թևից, ոտս ուղղի՛ր հողորդդ,
Որ չսայթաքեմ-կորչեմ անհաղորդ:

Տե՛ր, կա՞ միթե մարդ անմեղանչական,
Մեզ է հետևում մեղքն իբրև դարան,
Դո՛ւ՛ լույս անսուվեր, անբիծ, անխափան,
Օ՛ր, քեզ մոտ չկա ճշո՛ւյլ թերության:

* **

Աղոթում եմ քեզ վասն մեր գեղչի,
Նենգ, դարանակալ, չար ախոյանի,
Որ հաճախ է դեմքն իր բացահայտում,
Եղբայրների մեջ խոովք հարուցում:

Օժտի՛ր բոլորիս միաբանությամբ,
Լցրո՛ւ մեր սրտերն քո զոհողությամբ,
Թույլ մի՛ տուր հանկարծ սայթաքենք, ընկնենք
Եվ կորչենք հավետ՝ քեզնից անժառանգ:

Տո՛ւր մեզ, Տե՛ր, սիրուդ բաժակն քաղցրության,
Համեմի՛ր շրթներն մեր իմաստությամբ,
Խոսքիդ զորության շնչով տոգորի՛ր,
Քո անշեջ սիրո բոցով մեզ թրծի՛ր:

Դարավոր վանքի կամարների տակ,
Մեք նախնյաց ուխտին բոլորով գիտակ,
Ժառանգորդն արա շնորհացդ անպարփակ,
Որ հասնենք պսակիդ ուխտով անսայթաք՝

Դեկտեմբեր 1986

Սուրբ Ֆրանցիսկոսի հետևողությամբ

Խաղաղության քո, Տե՛ր, լինեմ ես ոահվիրան,
Աե՛ր տարածեմ՝ փոխարենը ատելության,
Ու տիրության մոռյլ պահին՝ ուրախություն:
Սև կասկածի հողում հավա՛տ ես սերմանեմ,
Անհասության դառը պահին հո՛ւյս ներշնչեմ,
Խարխափողին խավարի մեջ ես լո՛ւյս լինեմ:

Տո՛ւր գորություն, որ հավատով հավե՛տ ձգտեմ
Մխիթարել՝ մխիթարվել ցանկալու տեղ,
Ծիշտ հասկանամ՝ հասկանալի լինելու տեղ,
Աղերսելու փոխարեն սեր՝ մարդկա՛նց սիրեմ:

Տալո՛վ է, որ տրվում է, Տե՛ր, մեզ անսահման,
Ներելով է, որ քավվում են մեղքերը մեր,
Եվ մեռնելով վասն հայրենյաց՝ ճո՛ր ենք ծնվում,
Անմահության երջանիկ կյանքն ենք ժառանգում:

Խաղաղության քո, Տե՛ր, լինեմ ես ոահվիրան ...

Հունիս 1986

Որքա՛ն համբույր կա կնքված քո ճակատին,
Խաչքա՛ր խոհուն, քարե աղոթք ու սրբություն:
Որքա՛ն աղերս ու պաղատանք կա թաքնված
Քո խորշերում, խաչքա՛ր հույսի՝ սիրով ցողված:

Քարակերտյալ դու ներշնչանք, հույսի կոթող,
Մոտք խավարում սիրո լապտեր պլպլացող,
Անմահ Փրկչի հաղթող նշան դու շողարձակ,
Կյանք զգեցած դու մեր հավատ՝ քարե քանդակ:

Խոնարհվում եմ ես քո առաջ և ծնրադրում,
Չարն զգետնող խորհրդանիշ դու փրկության,
Սյուն չես բնավ անարգանքի ու պարտության,
Այլ հարության շունչ ես ծաղկուն կյանքով բուրյան:

Համբուրելով քեզ բյուր անգամ ես ծնրադիր՝
Համբուրում եմ հայ վարպետի ձեռքը ճարտար,
Տե՛ր, այդ ձեռքում որքա՛ն հավատ դու խտացրիր,
Որ արարեց քարից աղոթք, խաչն այս թրթիռ:

Ապրիլ 1988

Ես՝ մեղավոր ու անցավոր,
Հազար անգամ ապաշխարող,
Սակայն երբեք չարդարացող,
Ես՝ մեղավոր մի ուխտավոր:

Ես՝ անկատար մի հողածին,
Չեմ հասնելու փառքիդ շուքին,
Հազար անգամ եմ սայթաքում,
Մեղաց ծովն եմ գահավիժում:

Ես՝ մի ընծա քո խորանում,
Մի կաթիլ խունկ քո բուրվառում,
Զերթ քաղցր բույր թող սպառվեմ,
Գուցե այդպես գութիդ հասնեմ:

Մեղքն է, Տե՛ր իմ, ինձ հետևում,
Ինձ իջեցնում, հող է դարձնում,
Ո՛վ փառահեղ դու Սրբություն,
Դու սպրեղով՝ կյանք ես դառնում:

Արդյոք, ընդոստ, փառքիդ շողից
Պիտի զարթնե՛մ մահվան քնից,
Արդարների դասում կանգնեմ,
Լուսափայլ տեսքդ վայելեմ:

Հոկտեմբեր 1988

Ավագ հինգշաբթի

Այսօր դու նորից խաչ ես բարձրանում
Մեղքերի համար հանուր մարդկության,
Արյուն ես հեղում թանկ ու սրբազան,
Վճիռն պարտության փոխում հաղթության:

Քո աստվածային շնորհներն ամեն
Տվիր անսակարկ, առատ ու անծիր,
Իբրև սերմնացան հողին հանձնեցիր
Երկնավոր սերմեր հույսի, հարության:

Իբրև հաց կենաց դու երկնից իջար,
Բանին հոգևոր մատովակ եղար,
Մարդկանց ցավերին, կույրին, բորոտին,
Զերթ բժիշկ սրտցավ, հասար օգնության:

Որպես գառ անմեղ դու խոնարհվեցիր,
Փառքից Հայրական կամոք զրկվեցիր,
Իջար դու աշխարհ, մեզ նմանվեցիր,
Մեզ հավերժ կյանքի հույսով պնդեցիր:

Քո զոհողությամբ, Տե՛ր, մեզ ուսուցիր
Խորհուրդը սիրո և ողորմության,
Աշակերտներիդ ոտքը լվացիր,
Որպես գրավական քո խոնարհության:

Հուդան համբույրով քեզ Չարին մատնեց,
Երեսուն արծաթ դրանով շահեց,
Ստրուկն արծաթի՝ արծաթով գնվեց,
Մարմինն ու հոգին դժոխքում այրվեց:

Առյանհից առյան քեզ քարշ տվեցին,
Ջրպարտությունով դատապարտեցին,
Խաչ դրին ուսիդ, Գողգոթա տարան,
Ավազակաց հետ անարգ խաչեցին:

Ո՛վ ոտնահարված դու արդարություն
Եվ խաչ բարձրացված ո՛վ ճշմարտություն,
Հիսուսի թաղմամբ թեև թաղվեցիք,
Բայց հետո մահից հարություն առաք:

Կյանքում չարն է միշտ թվում տիրական,
Բայց արդարության կանչն է տևական,
Մահվան փոսի մեջ իսկ ճշմարտությունն
Չեն կարող թաղել մարդիկ վատանուն:

Այսօր դու նորից խաչ ես բարձրանում,
Իբրև մահապարտ սուրբ արյուն թափում,
Արյան լճակից ծիլեր են ծաղկում,
Կյանքով հաղթական աշխարհը լցնում:

Մարտ-ապրիլ 1988

ԱՎԱՆԴԻ ՀԱՎԵՐԺԱԿԱՆ

Տո՛ր ձեռքդ դու ինձ, գնանք միասին
Դեպի լայնահիստ դաշտերն Երասխի,
Ուր հին օրերի փառքից հիշատակ
Մնացել են Դվին, Արտաշատ փլատակ:

Տե՛ս, հեռվում դաշտի հարթ կողից հանկարծ
Մարմարյա մի բլուր վեր է սլանում,
Այդ բլրի լանջին կա մի հուշարձան,
Մի կոթող հույսի՝ լուռ ու խոհական:

Ժամանակների անթափանց խորքից
Հասել է նա մեզ գերթ վկայարան,
Հուշարձան մահվան դեմ՝ հաղթանակի,
Կոթող նոր կյանքի, խորհուրդ հայ ազգի:

Խոր Վիրապն է այն, ուր նետվում էին
Դատապարտյալներ պատժի և մահվան,
Ուր քանի՜ մարդկանց հույսերն են խամրել,
Եվ քանի՜ կյանքեր անհուշ խավարել:

Խոր Վիրապն հիմա սարսափ չի ազդում,
Իմաստն է փոխվել բանտի և մահվան,
Դարձել լուսավոր խորհուրդ փրկության,
Բարձունք հաղթության՝ հետ տառապանքի:

Գնանք Խոր Վիրապ երկրպագելու,
Մինչ նանապարհից ենք մենք տեսնելու
Երկու բարձունքներ, մին՝ խոնարհ, համեստ,
Մյուսը՝ վսեմ, երկնաքեր, հպարտ:

Բարձունքն երկնաքեր, վսեմ, խոհական,
Եղել է ազգիս պատմության վկան,
Խորհուրդ՝ վահանված ձյամբ բիրիական-
Անհաս հորիզոն տենչին հայկազյան:

Խոնարհ բլուրն է բարձունք հոգևոր,
Որ տառապանքով մեր հայրն երկրավոր.
Երկար տարիներ ապրեց աղոթքով՝
Իծերից բանտի անվնաս գոլով:

Հանապազօրյա հացն իր ստացավ
Հրեշտակի ձեռքից կնոջ կերպարով,
Աղոթեց, ճգնեց երկար տարիներ
Առանց տեսնելու արևի շողեր:

Ճգնեց, աղոթեց վասն մեղքերի
Հոր կողմից գործված՝ հանդեպ Խոսրովի,
Թափեց արցունքն իր, լվաց իր հոգին,
Առանց զգալու սլացքն օրերի:

Բանտարկըվել էր այս Խոր Վիրապում
Իբրև պատասխան իր հանդգնության,
Չերկրպագելով Անահիտ աստծուն,
Կեղծ աստվածների նյութեղեն հույլին:

Միացել էր նա Տրդատ արքային,
Երբ սա մեծ փառքով, գորքով հաղթական,
Եկել տիրել էր գահին հայրական
Եվ սարսափ ազդել թշնամիներին:

Տրդատն էր հուժկու, հսկա, հաղթանդամ,
Մարտեր էր մղել Հոռմում անգամ,
Հաղթական փառքի դափնիներ կորզել,
Հաղթանակներով թագն իր ամրացրել:

Ուսմամբ կեսարյան՝ Գրիգորն իմաստուն
Տրդատ արքայի բանակն էր մտնում,
Ռափես քարտուղար ծառայում նրան,
Պարտքն իր կատարում հանդեպ ազգության:

Հաղթանակներից գինովցած արքան
Սարքում էր խրախճանք հեթանոսական,
Հրաման արձակում երկրպագության,
Բոլոր կուռքերին իրեն օգնական:

Ամեն կողմ գոհեր, գինի, խրախճանք,
Աշխարհն էր լցրել երգ, պար ու նվագ,
Պնդում էր արքան, պնդում անընդհատ
Չոհներ մատուցել կուռքերին հստ-հատ:

Բազում տատրակներ և աղավնիներ
Արձակում էին եթերում լազուր,
Ծաղ էին տալիս երգ ու ծիծաղով
Աղբյուրի գուլալ ջուրն սթափեցնող:

Եվ գինարբուքի թեժ թուլեներին
Հիշում էր արքան համառ Գրիգորին,
Մատուցել նրան հրամայում էր
Վոոց ոտքերին եղջերվաց գոհեր:

Գրիգորն անհողողող, Մապի սարի պես,
Հրամանն անտեսում, չէր շարժվում տեղից,
Մինչ կատաղում էր, մոլեգնում արքան,
Պատժի, տանջանքի տալիս հրաման:

Տաս պատիժներով՝ հասցնող մահվան,
Հրաման արձակեց, որ պատուհասեն
Համառ, ամբարիշտ իր քարտուղարին,
Կուռքերին զոհեր չմատուցողին:

Գրիգորն հաստատ էր, հավատով արի,
Խոսում էր անվախ իր նոր հավատի,
Ծշմարիտ Փրկչի՝ Հիսուսի մասին,
Եվ փորձում հասնել արքայի սրտին:

Իր որոշման մեջ անհողողող արքան
Առավել պատժի տալիս էր հրաման,
Իսկ տանջանքների ցավի մեջ Գրիգոր
Հայտարարում էր իր հավատը խոր:

Արքան զայրանում և կատաղում էր,
Որ պատիժներով ու ողջ ուժով իր
Չէր կարող անգամ հաղթել անգորին
Եվ ծնկի բերել համառ Գրիգորին:

Տաս պատուհասին հավատի ուժով
Անվերջ դիմադրում, ապրում էր Գրիգոր,
Հայտնում էր ապա, թե՛ «կենդանի է»
Ու Փրկչի սիրով նա տոգորվում է:

Արքայի ունկին հասնում է շշուկ,
Թե Գրիգորի հայրն էր դավող Անակ:
Մոլեգնած արքան տալիս է հրաման՝
Բանտել Գրիգորին Վիրապում մահվան:

Վիրապն ահավոր՝ իժերով լեցուն,
Կորստյան գուբ էր հանցագործների,
Ուր հույսի նրագն էր հավետ համզում,
Ուր մթին, անասող գիշերն էր իշխում:

Տարան Գրիգորին Խոր Վիրապ գցին,
Վիրապի դռան, որպես դամբարան,
Մոռացության ծանր մի քար գլորեցին,
Մահվան դատակնիքն այդպես կնքեցին:

Անցան տարիներ դարերի նման,
Իժերն ու օձերն ընտանի դարձան,
Սրբից հեռացան, էլ չմոտեցան,
Եվ գուբը դարձավ մի աղոթարան:

Մի նկան հացով, մի սափոր ջրով
Ապրում էր սուրբը նվազագույնով,
Աղոթում էր հար, հավատն անկայծում,
Աստծու շնչով էր մխիթարվում:

Եվ առեն տարի, ըստ ավանդության,
Երկրորդ Ծաղկազարդ տոնին տերունյան
Ծոմապահությանը դառնում արժանի
Հրեշտակի աչքով տեսլանն Քրիստոսի:

Մայր հայրենիքում, Տրդատի օրով,
Կյանքն ընթանում էր խաղաղ ու բարօր,
Նա ամեն տարի ասպատակում էր,
Նվաճում, զավթում դրացի հողեր:

Հայթանակներից արքան գիժովցած՝
Ավարն էր խժոժում մարմնով հղիացած,
Ապրում էր կոոց զոհ մատուցելով,
Իր բուն կրթերի գերին դառնալով:

Հենց այդ օրերին եկավ սուրհանդակ,
Հոռմի գահից հասավ հրովարտակ.
Դիոկղետիանոս կայսրն էր մոլեզուն,
Կրքի հրդեհից իր սիրտն էր խանձվել:

Գրում էր կայսրը բյուր թախանձաւքով,
Որ գտնեն կույսին՝ առաքեն փութով
Հոռմի գահի մեծ տիրակալին՝
Աշխարհասասան մեծագոր կայսրին:

Հայտնում էր ցավով, թե ինչպես ծածուկ՝
Իր ձեռքից թռավ հարսնացուն փափուկ.
Հարմար էր գահին մարգարիտն անգին՝
Իր մեղկ ցանկությանց երազ դիցուհին:

Տրդատ երբ փութով նամակն այդ կարդաց,
Ծանակեց մտքով, խորամանկ ժպտաց,
Վախաշոտ կայսրին նա վերհիշելով՝
Ծիծաղեց անհոգ հուժկու քաֆ-քահով:

Հեթանոս արքան Հոփսիսիմեին
Առանց տեսնելու, կայսրի նամակի
Նկարագրությամբ էր սիրահարվել,
Հեթանոս կրքի ցանկությամբ լցվել:

Հրամայում էր փնտրել դիցուհուն,
Գտնելու դեպքում՝ այդ գեղեցկուհուն
Առանց կասկածի և երկմտանքի
Բռնել ու բերել պալատն արքայի:

Եվ ողջ երկրով մեկ լրտեսներ էլան
Ու որոնեցին մյուսների հետ նրան.
Գտան բոլորին մայրաքաղաքի
Պարիսպների մոտ, կողքին հնձանի:

Երեսուն և յոթ կույսեր անմամն,
Տարբեր հասակի ու գեղեցկության,
Ուխտով միաբան, վարքով սրբանման,
Վասն Հիսուսի բուրող վարդաստան:

Երեսուն և յոթ կույսեր փափկասուն՝
Ընտանիքներից քաղված պատվական,
Քրտինքով իրենց հացն էին շահում,
Համատեղ ապրում, գործում, աղոթում:

Էին ընտրյալ և ազնվական
Դուստրեր համակամ՝ վասն արդարության,
Բողոքում էին ընդդեմ կուռքերի,
Ընդդեմ անբարո, հոռի բարքերի:

Օրեր, ամիսներ ճանապարհ անցել,
Եկել մեր երկրում էին ծվարել,
Բույն էին դրել 'տոբ երկնքի տակ'
Հեռու մեղքերից, ազատ, համարձակ:

Միաժամանակ նրանք ապրեցին
Երջանիկ կյանքով և քարոզեցին,
Քրիստոսի սիրո լույսը սփռեցին,
Այդ լույսով բազում սրտեր գրավեցին:

Պարարտ էին հողն, հանդերը բերրի
Հայոց աշխարհի բնակիչների,
Նետվել էր արդեն հունտը հավատի
Լուռ քարոզությանը առաքյալների:

Գտան ընկերներ իրենց պես բարի՝
Կանչված կոչունքին մեծ հարսանիքի,
Երկրում ապրեցին երկնավոր սիրով
Եվ պայծառացան անանց շնորհով:

Ավա՛ղ, չերկարեց թելը օրերի,
Խուզարկու աչքերն արքա Տոբատի
Գտան կացարանն անբիծ կույսերի,
Կույսերի դշխտ Հոփսիսիմեի:

Օժիտներ տարան արքայի կողմից,
Ջուրեցին նրան կույսերի միջից,
Բերեցին պազատ, խնջույք սարքեցին,
Հարսանյաց առատ սեղան բացեցին:

Բակում պալատի, խնջույքով տարված,
Մինչ մոլեգնում էր խուժանը հարբած,
Ներսում արքան էր դեռ տիրել փորձում
Հարսին Քրիստոսի՝ կույսին փափկասուն:

Քրտնել էր արքան, հոգնել, սպառվել,
Փորձում էր ուժերն ի մի հավաքել,
Զգեստնել կույսին, բռնանալ, լկել,
Կրքերն իր վայրագ այդպես հագեցնել:

Անարատ կույսը, կանացի, տկար,
Հզորացել էր ներքուստ առնաբար,
Վանում իրենից, գետին տապալում,
Միգերն արքայի ապարդյուն դարձնում:

Գազազած արքան հրամայեց բերել
Հոգևոր մորը բուրբ կույսերի,
Թելադրեց նրան, որ նա համոզի
Կամակոր կույսին դառնալ թագուհի:

Գայանեն անվախ չանսաց հրամանին,
Անկեր մնալ հորդորեց կույսին,
Մրմնջաց աղոթք, որ չարն անհետի,
Տիրոջ օգնությանը կույսն հաղթանակի:

Մոլեգնեց արքան՝ լսելով նրան,
Լեզուն պոկելու տվեց հրաման:
Եվ խողխողեցին Գայանե կույսին
Աչքերի առջև համատ իր սանի:

Սրբի ու պիղծի մա՛րտ անհավասար ...
Հոփսիսմեն լցված ուժով անսպառ՝
Մարտերի վարպետ արքա Տրդատին
Զսպում, նվաճում, զցում էր գետին ...

Փախչում էր կույսը, փախչում, հեռանում,
Նվաճված քաջի պալատից զնում՝
Իր ընկերների հույլին միանում,
Երկնառաք ուժն իր նրանց հաղորդում:

Քիչ հետո, սակայն, զորքեր են գալիս,
Բռնում կույսերին, ցցերի կապում,
Խոշտանգում նրանց, ապա մորթոտում,
Զայրույթն արքայի՝ արշամբ են խեղդում:

Պատարագվում են կույսերն անարատ,
— Անարգ խնջույքի որոջներ անհաղթ —
Արյունն է թափվում հողում հայրենի,
Ակունքներ լցնում պայծառ գալիքի:

Պարտված արքան այնքան է փրփրում,
Որ պիղծ կենդանու տեսք է ընդունում,
Զերթ խոզ մոլեզուն՝ պալատից փախչում,
Գնում անտառներ, ճահճուտներ մտնում:

Ինչքան էլ լինի մարդն անխիղճ, անսիրտ,
Ինչքան էլ լինի համառ, նենգ ու բիրտ,
Գալիս է մի պահ, երբ սիրուն է փափկում,
Դառնում զգայուն և խիղճը տանջում:

Արյան ճապաղիքն անմեղ կույսերի,
Զոհված սրբերի հայացքը բարի
Ծարժել էր մի բան անհիմանալի,
Ծաղիկ էր ծլել փոխան տատանակի:

Մտահոգ էին ռաֆիկ-շինական,
Ե՛վ պալատական, և՛ ազնվական
Դառն ճակատագրով Տրդատ արքայի՝
Թշնամի ազգաց սարսափ ազդողի:

Հեկեկում էին Աշխեն թագուհին,
Խոսրովիդուխտը՝ քույրը Տրդատի,
Ողբում էին մահն անմեղ կույսերի
Եվ ճակատագիրն հիվանդ արքայի:

Փնտրեցին բժիշկ, դարման ու դեղեր,
Որ մեծ հիվանդի ցավը ամոքվեր,
Դարման չգտան ցավին արքայի,
Մինչ նա շրջում էր մեջ ճահճուտների:

Հայոց աշխարհում այնքան էր թափվել
Անմեղ սուրբ արյուն, որ խիղճը թմրել,
Հույզն ու զգացմունքն էին չբացել,
Բրտությունն էր սև թևն իր տարածել:

Կա՛նչ արդարության, արյո՛ւն հաղթության ...
Անմեղ կույսերի թափած սուրբ արյան
Կանչն աղաղակում, սրտեր էր լցնում,
Քիղճն էր արթնացնում, մեղքը՝ գիտակցվում:

Հենց այդ օրերին, երբ հեք կույսերի
Դիակներն անթաղ — ո՞վ հրաշք վերին—
Պահպանվել էին, նման նշխարի,
Անեղձ, անարատ, նոր լույս էր բացվել:

Ի տես չարիքի, անարդարության,
Բիրտ ու բռնակալ կամքի փոխարեն
Քարացած սրտերն էին փափկացել,
Ատելության տեղ սերն էր ընձյուղվել:

Հենց այդ օրերին երազ էր տեսել
Խոսքովիդուխտը. հրեշտակն էր հայտնել,
Թե Տրդատ արքան միայն կբուժվի
Ձեռամբ Խոր Վիրապ նետված Գրիգորի:

Կրկնվեց երազն այդ քանի՜ անգամ ...
Երկյուղով լցված՝ նա գնաց այնժամ
Պատմեց թագուհուն և իշխաններին
Երազում տեսածն հույսով ցնծագին:

Օտա իշխանն էր գործավարն գահի.
Հապճեպ պատրաստվեց հետ համհարզների,
Ծուսպով գնաց բանտն Արտաշատի,
Ուր Սուրբն էր տանջվել տասնչորս տարի:

Ողջ արտաշատցիք անչափ զարմացան,
Երբ մարդիկ Սրբին փնտրելու եկան.
«Վաղո՞ւց է մեռած...», նրանք ասացին,
Օտա իշխանին մտքում ծաղրեցին:

«Ասացեք, ու՞ր է գուրը Գրիգորի»,
Գոռում էր իշխանն առանց դադարի:
Քարը հեռացրին բերանից գբի
Ու բոլորվեցին շուրջը դամբանի:

Տիրեց մի րոպե սառը լռություն ...
Օդում ոչ մի ձայն և ոչ մի ծպտուն:
Լուել էր բանտը մահվան չափ խորունկ,
Աղոթքն էր կառչել պատերին տամուկ:

Չայն տվեց Օտան հատ-հատ վանկերով,
Բարձր ու հատակ և արձագանքով.
Կրկնեց թավ ձայնով նորից՝ «Գրիգո՞ր...»
Եվ բանտը թնդաց ձայնից նրա գոռ:

Լռության միջից հագիվ մի շշուկ
Թույլ ու դյուրաբեկ, իբրև արձագանք,
Լավեց ներքևից և հույս ներշնչեց,
Տխրամած սրտերն հույսով ողողեց:

Կրկին Օտան էր ծպտուն հայացքով,
Չայնով աննկուն, խանդ ու եռանդով
Խոսում, հուսադրում և ոգևորում,
Ի տես հրաշքին՝ հրճվանքով լցվում:

Պարան իջեցրին գբի հատակին,
Ծարժեց Գրիգորն այն երեք անգամ.
Ծիչն ուրախության մութ գուրը լցրեց,
Չարադետ մահը կյանքից պարտվեց:

Իջան Խոր Վիրապ և վեր հանեցին
Երկար տարիներ անհետ կորածին,
Բանտի խավարը հոգու լապտերով
Լուսավորողին՝ մեծ Լուսավորչին:

Գունատ էր Գրիգորն, հյուծված ու մրոտ,
Հագին ցնցոտի, ոտները կոտտ,
Երեւուն քայքայով հագիվ էր շարժվում,
Բայց աչքերի մեջ՝ հավատն անկալծում:

Այս սահմանավոր և պատրողական
Կյանքի ավարտին մահն է տիրական,
Աստուծո վկա ընտրյալն է միայն
Հաղթում մութ մահվան՝ լույսով հարության:

Տարան լողացրին և ընտրելագույն
Պատմուճան հագցրին՝ բեհեզ, ծիրանի,
Ոտներին գուլպա և մուճակ դրին,
Արտախուրակ ու գոտի կապեցին:

Նորոգ հարուցյալ սուրբ նահապետին
Փառքով ու պատվով պալատ բերեցին:
Հանդերից բերին ցնորված արքային
Որպեսզի բուժվեր ձեռքով մեծ Սրբի:

Գրիգորն հպավ ճակտին հիվանդի
Խորհրդանիշով փրկչական խաչի.
Բացվեցին աչքերն հեք մոլորյալի,
Մեղքերն իր տեսավ ծանր ու ողբալի:

Թողություն խնդրեց վասն իր մեղքերի,
Ապաշխարության և անդրադարձի
Հորդ արցունք թափեց աղբյուրի մման,
Որոնք մեղքերն իր սրբեցին տարան:

Եվ իբրև նշան ինքնաձաղկումի,
Մասիս բարձրացավ, որ ժայռեր բերի՝
Կերտելու համար նոր վկայարան,
Սրբոց բնակարան վասն իր քավության:

Թափված հորդ արյունն առաքյալների,
Մաքիապանց, Ոսկյանց, սուրբ Սանդուխտ կույսի
Եվ ողջ քրիստոնյա նահատակների
Աշխարհն էր լցնում զերթ բույր կնդրուկի:

Հայ Եկեղեցու բյուր նահատակաց
Երկար տարիներ ձայնն ըմբերանված
Հնչում էր նորից, հրաշքներ գործում,
Հավատի սերմն էր սրտերում աճում:

Սուրբ Թադևոսի, Բարթողիմեի
Եվ նրանց հաջորդ եպիսկոպոսաց
Որպես արժանի հաջորդ ժառանգորդ,
Հովվապետ օծվեց սուրբն Գրիգոր:

Նոր Հայրապետն էր գալիս Հայաստան՝
Փառքով նստելու զահին հաղկազյան.
Արքան էր ելել նրան հանդիման,
Երկինք և երկիր կապել են սերտ դաշն:

Քահանայետն իր ճանապարհին
Դեպ Վաղարշապատ, գետերի ափին
Կամ Արածանու գոլ հովիտներում
Զարմերն հայկազյան Հոգով էր կնքում:

Տալիս էր նրանց շնորհ երկնային՝
Արժանացնելով Հոր որդեգրության,
Գունդ-գունդ հայերի վրա էր իջնում
Սուրբ Հոգին որպես լուսե կերպարան:

Աղոթատներ, բազում դպրոցներ
Երկրում բացվեցին բոլորի համար.
Գիտության լույսով և ճշմարտության
Սրտեր ու մտքեր սիրով հերկվեցին:

Ատորուշանները վիմով ծածկեցին,
Մոխիր ու կրակ հողմին հանձնեցին,
Փոխան վառեցին սերն հավերժական՝
Աստուծո սերը հավիտենական:

Տաճարներն ամեն հին աստվածների
Վերակերտվեցին խաչով Քրիստոսի.
Քրմեր ու մոզեր վերակրթվեցին,
Դարձան մատույակ կենարար Բանին:

Ընկան Բեյիարն ու սին աստվածներ,
Նրաճց անկումից ծնվեց երկնավորն.
Աստված էր իջել իբրև հայտնություն՝
Ցույց տալով սերն իր մարդկանց մոլորուն:

Աստված բարեգութ տվել էր Որդին
Մարդկությանն իբրև Իր սիրո նշան,
Որ զոհողությամբ և խաչելությամբ
Մահվան էր հաղթել հզոր հարությանբ:

Գրիգոր հայրապետ Վաղարշապատում
Իր ծրագրերն էր ի կատար ածում.
Ջերթ արթուն պահակ աղոթում էր հար,
Փորձում էր հասնել Տեսիլքին անճառ:

Իր թախանձանաց որպես պատասխան,
Մի գիշեր երկնից իջավ նոր Արքան,
Բախեց իր մուրճով, դժոխքը սարսեց,
Լուսեղեն շողով մեր Տունը կերտեց:

Ո՛վ հրաշք անճառ, տեսի՛լ դու լուսե,
Օրհնյալ Միամոր Որդի դու, լսե՛
Մեր Լուսավորչի աղերսն անդադար.
«Լե՛ր հայր ու պաշտպան ազգիս դարե-դար»:

Հունիս 1988

Զատիկ

Ծաղիկ բուրյան դու բացյալ
Քառաթև խաչ զարդարյալ,
Զդրոուն դժոխոց խորտակյալ,
Կյանք ի մահվանն բուսյալ:

Ծաղիկ կենաց դու զարնան
Եվ դատակնիք հաղթության,
Զխաւարն լուսով եւ պննյալ,
Իսպառ զմահն զգետնյալ:

Ծաղիկ-ծաղիկ դու բուրյան,
Կամուրջ հուտ փրկության,
Հանիծից զմեզ դու բարձյալ,
Հոտ անուշից եւ բուրյալ:

1987

Հող հաշրեկի

Հանգի՛ստ նրանց, որոնք ընկան
 Անապատի ավազներում,
 Մեծ աքսորի ճամփաներում:
 Հանգի՛ստ նրանց, որոնք ընկան
 Կյանքի մարտում, դեռ ընկնում են
 Իբրև վկա արդարության,
 Վասն հայրենյաց ազատության:
 Օ՛, ձեզ համար ես ի՞նչ խնդրեմ,
 Ինչպե՞ս պատմեմ, նկարագրեմ
 Ձեր տառապանքն ու զրկանքը
 Եվ անողոր ձեր վախճանը,
 Արյունը ձեր, արցունքը ձեր՝
 Պատմության դեմ քսված ստվեր:
 Նահատակներ, մարտիրոսներ,
 Ի՞նչ անունով որակեմ ձեզ,
 Արյունաքամ ու բզկտված
 Եվ անարցունք գերեզմանված:
 Մութ գետերում խեղդված կույսեր,
 Դո՛ւք՝ գահավեժ պատվի բերդեր,
 Բյուր դիակներ ընկած անտեր...

* * *

Արյուն թափվեց անմեղ մարդկանց,
 Գետերի պես ծովեր լցնող,
 Ու խողխողվեց մի ժողովուրդ,
 Մի հինավուրց լույսի սերունդ:
 Հազար ու հինգ հարյուր տարի
 Եկան անցան՝ Վարդան կապրի,
 Հոգին հայի, սեզ ու արի,
 Չի մահանա, նա մահ չունի:
 Բյուր-բյուրավոր զորքեր անցան,
 Խավարն անցավ իր դավերով,

Մեր պատմության ճանապարհով,
Խոցոտեցին, թալանեցին,
Աստղերի պես մեզ ցրեցին:
Պարսիկն եկավ իր փղերով,
Իր հավատի թեժ կրակով,
Արաբն իր նոր մարգարեով,
Իր սրերով ու Ղուրանով:
Թաթար, մոնղոլ, մամլուք, սելջուկ,
Դեմ մեր կամքի եղան խղճուկ:
Ստրկության դարեր երկար,
Տառապանքի ձիգ տարիներ,
Բազում էջեր հայ 'պատմության
Հայ արյունով կնքվեցին:
Ո՛հ, հայի՛ գիր, ճակատագի՛ր,
Փառքի կողքին՝ դրված մոխիր,
Միրո կողքին՝ դրված անեծք,
Խավարի դեմ՝ միշտ լույս անծիր:

Մեր պատմության սրտի վրա
Ուրախության ու ծաղկունքի
Գարնան մի օր, պայծառ մի օր
Բացեց թուրքը մի խորունկ վերք
Իր մահասփյուռ յաթաղանով:
Մեր ազգն անհոգ, մեր ազգն անմեղ,
Դավադրությանն այս անտեղյակ,
Իր պատմական ուսումներում,
Գախարհներում ու գյուղերում
Կլանված էր աշխատանքով,
Իր ատօրյա վար ու ցանքով:
Ապրում էր նա խղճով արդար,
Ապրում էր նա եղբայրաբար
Բոլորի հետ. ու բոլորին՝
Թուրքին, քուրդին ու լազերին
Իր սեղանից էր կերակրում:

50

Թոճրի ծուխը ամառ-ձմեռ
Քամուն տրված խնկի նման
Բարձրանում էր երկինքն ի վեր:
Ցեղի հոգում կար թաքուն սեր
Մարդու հանդեպ առանց խտիր:
Դարեր առաջ թուրքը եկավ,
Բիրտ իր ուժով նա տեր դարձավ
Հայոց հողին, ծաղկուն դաշտին,
Իրավունքին, ամեն ինչին:
Աշխատասեր հայը, սակայն,
Քրտինք թափեց՝ փարված հողին,
Ու կերակրեց իրեն, նրան
Ի սեր բարի դրացնության:
Ու փայփայեց մի հին երազ,
Հազար տարվա մի վեսմ իղձ.
Ազատագրել հողը կորած
Տիրողներից հայահալած՝
Ցանկանալով տերը դառնալ
Իր մայր հողին, անդաստանին,
Իր վանքերին, մշակույթին,
Ու կերտել իր ճակատագիրն
Իր իսկ ձեռքով ու հանճարով:

Մեր վաղեմի ու հարազատ
Մեր հայկական հին ուսումներ.
Արքայանիստ Վաղարշապատ,
Վայելչագեղ դու Արտաշատ,
Այգիներով շրջապատված
Առատության Դփին քաղաք:
Աստվածաբարձ չքնաղ Անի,
Հազար գմբեթ, եկեղեցի
Երկինք ձգված, դու գեղանի
Ծքեղ քաղաք Բագրատունի:
Դուք բոլորդ անմահանում՝

51

Մեր անցյալի փառքի վկա,
Մեր վարդազույն ապագայի
Դուք անկորուստ գրավական:
Անմեռ հոգին, հայի հոգին,
Հախտուն ոգին արի ու սեզ,
Մոխիրներից, ավերներից
Կրկին ելավ, ոտքի կանգնեց...
Գողգոթայի արյան լճից
Բողբոջեցին կարմիր վարդեր,
Ըմբոստացավ հայը կրկին
Ու մաքառեց ու ծառացավ
Դահիճների ու մահի դեմ:
Փառքի պսակ, դափնեպսակ
Ջեր ճակատին, մեր հերոսներ,
Լեռնականներ, ֆիդայիներ,
Ռանչպար, մշակ հայրդիներ:
Հազար պսակ հերոս Վանին,
Մուսա լեռան մեր քաջերին,
Թուրքի սարսափ մեր Ջեյթունին,
Տարնո խիզախ հերոսներին,
Սասնա խրոխտ սրծիվներին,
Հայ ռազմիկին, կամավորին,
Վասն հայրենյաց պատվի դաշտում
Ամենուրեք կոփողներին,
Փառքով ընկած հերոսներին,
Հազարներին դափնեպսակ...
Իսկ քե՛զ, հերոս մեր Անդրանիկ,
Սասնա տարի սեզ լանջերից
Ծոված քաջիդ, մեր բռնության
Ծղթաները կոտրատողիդ,
Քեզ՝ հերոսիդ դավթանման,
Նոր օրերի Արտավազդիդ
Հազար պսակ, լուսապսակ...

Միլիոն ու կես. զարնան մի օր
Մեր եղբայրներն բարձրացվեցին
Դարձյալ ի խաչ ու Նախատինք:
Մտքի, գրչի ու մեր հոգու
Մշակները աքսորվեցին.
Մնաց մենակ հոտն հայրենի
Անտիրական դեմ փոթորկի:
Խելագարվեց երգի տիտան
Մեր Կոմիտասն անգուգական,
Լոեց երգել քնարն հայի:
Ամբողջ ազգով, թուրք ծրագրով
Կատափնարան մեզ քշեցին՝
Սպանելու թե՛ մեզ մարմնով.
Թե՛ մեր պաշտոն մշակույթով:
Դաժան ճամփա, հայի՛ ճամփա,
Գաղթի՛ ճամփա, մահվան՛ ճամփա...
Արևակեզ անապատներ...
Դեպի Դեր-Ջոր քանի՛ տարի
Հայը քայլեց խաչն իր ուսին.
Ծամփաներում մեկիկ-մեկիկ
Կամ խումբ առ խումբ նրանք ընկան
Հյուծված, ծարավ ու անավաղ,
Գաղթի ճամփին, մահվան ճամփին:
«Գթա՛, ՏԷ՛ր, մեր անջեցեղոց».
Գթա՛ նրանց հոգիներին,
Հա՛յր բարեգութ, սփոփարար,
Դու արարիչ ողջ մարդկության,
Արդարության, խաղաղության:

Մենք կերտում ենք մեր ապագան
Սերունդների համար գալիք,
Մեր աճյունից ենք նոր հառնել

Ու հավերժի գինով արբել:
Մեր սրտում եք, նահատակներ,
Ձեզնից ծառանգ երկիր ունենք՝
Գնված արյամբ անմեղ ու թանկ,
Մեր տենչանքի իբրև պսակ:
Քե՛զ համար լոկ ընկան նրանք,
Որպեսզի դու, սո՛ւրբ հայրենիք,
Մնաս մեզ հետ, դարերի՛ հետ:
Դաշտերիդ մեջ քարերն անգամ
Ծիլ են տալիս հայ քրտինքով:
Ո՞վ կարող է կտրել ձեռքը,
Սջիատաստեր մարդու ձեռքը.
Ո՞վ կարող է խեղդել երգը,
Անտունին ու գութաներգը.
Ո՞վ կարող է սանձել հոգին,
Նարեկացու ճախրող հոգին:
Ո՛չ, չեն կարող քանդել տունը՝
Մշտակատույց հայի բույնը:
Հազար բողբոջ, հազար ծաղիկ
Բացվել են վառ արևի տակ,
Լուսաճաճանչ տեսիլներով
Արարատի հայացքի տակ:

Վայրիլ 1965

ԲԱՐՔԱՌ ՀԱՅՐԵՆԻ

Ինձ իմ երկրից արմատախիլ հեռացրել են,
Ողջ աշխարհով ման եմ եկել՝ քեզ իմ շուրթին,
Դու իմ միակ վառ հիշատակ նվիրական,
Իմ հայ բարբառ, բարբառ քաղցրը իմ մանկության:

Մոր կաթի հետ քեզնով սնվել, մեծացել եմ,
Ծակատագրով երկվորյակ եմք, քեզ մոռանա՛լ.
Նվազում ես օրըստօրե, հուշիկ մեռնում,
Երբ հանգում եմ ճրագները մեր օջախում:

Խլեց ոսոխն ու ավերեց մեր տունը շեն,
Ողջ աշխարհում եղանք անտուն, թափառական,
Դու մնացիր մեր շուրթերին՝ վերջին նշխար,
Հին օրերի փառքի վկան, ո՛վ սուրբ բարբառ:

Դու մեռնում ես, ո՞ւմ աղերսեմ, գտնեմ դարման,
Իմ գավառի դու վերջին կանչ, բարբա՛ն անգին,
Վախենում եմ «հուսկ բանք»-դ ասող գուցե լինեմ,
Եվ հայրենի իմ բարբառով աչքս փակեմ:

Հուլիս 1986

Ձյուն է գալիս հանդարտորեն Էջմիածնում,
Սուրբ Հակոբն է ճերմակ մորուքն հանդարտ սանրում,
Բամբակ-բամբակ առատ, քնքուշ փաթիլներով
Ձյուն է իջնում՝ երկնի օրհնանք, նազ ու պարով:

Ծածկել է նա երդիկ ու բակ, փողոց ու տուն,
Պարզել դրոշ խաղաղության և հաշտության,
Միայն թոնրի ծուխն է ուղիղ երկինք ելնում,
Բուրմունքն հացի մարդկանց հասնում, տուն է կանչում:

Ձյան միջից երևում են խոչակ-խոչակ
Գմբեթները Մայր տաճարի՝ զարդ ու բանդակ,
Ջերթ սպիտակ տաղավարներ իրար կողքի,
Որ պահվում է լույսը անշեշ Լուսավորչի:

Աշխարհն հայոց քնել է խոր ձյունով ծածկած,
Խստաշունչ այս ձմռան ցրտին հողին փարված,
Հիմա գարնան ծաղկուն օրվա երգն է թրթռում
Աշնան ցանված ոսկի հունդի սրտի խորքում:

Իջի՛ր առատ, ձյո՛ւն հայրենի, ինձ էլ ծածկի՛ր
Փափուկ ճերմակ սավանի տակ քո կենսաձիր,
Երբ ճովողեն հավք ու առվակ գարնան շնչով,
Ծիլ ու ծաղկով դու ժպտա՛ ինձ պայծառ տեսքով:

Նոյեմբեր 1986

Գարուն է ահա, սիրտս է վկայում,
Երկինքն է անամպ վառ գույնով շիկնում,
Արևն է շոպլ շող դեմքը պարզում,
Եվ թռչնոց երգով ծիլն հողում թրթռում:

Գարուն է ահա պայծառ գույներով,
Ծառերն են շիկնել ծաղկունքի տեղնչով,
Պտուղներն իրենց արևի շողով,
Ջերմով հագցած՝ պայթում են կյանքով:

Հողն երկրի փափկել, ծիլեր են ծլել
Ու սպասում են անհամբերությամբ
Տաքուկ քնքշանքին, արևի շողին,
Մինչ սարսուռն են ցրտից վաղորդյան:

Երգը հավքերի եթերն է լցրել
Ցնծության շնչով և զգլխանքով,
Ձմռան ցուրտ քնից կորդ հողն է զարթնում,
Նոր կյանքի հույսով սրտերն օրորում:

Թող գարնան, կյանքի այս առավոտյան,
Բարկ ու կենսատու արևն չխամրի,
Սև ամպը չգա, չաբողի նրան,
Թող ապրենք հույզով, հույսով գալիքի:

Մարտ, 1987

ՄՈՐ ԱՐՑՈՒՆՔԸ

Մի մայր լալիս է ահա՝ փլված պատին կոթընած,
Նա ավերակ է դարձել, որդու կարոտը գրկած՝
Աղերսում է, պաղատում, որ փակ դռները բացվեն,
Երջանկությունը ժպտա անուշ ժպտով մանկական:

Մի մայր լալիս է ահա, ծեծում կուրծքը չորացած,
Մի օր այդ կուրծքն էր սնել որդուն կորած, մոլորված,
Չոր կրծքի տակ մի տաք սիրտ այնպես կոտորում է անձայն,
Որ քարն անգամ կճաքեր այդ կոտորանքից շանթահար:

Կորած որդու կարոտով մոր արցունքն է տաք թափվում,
Մինչ դռները օգնության պինդ փակվել են, շեն բացվում:
Հազար աղերս ու արցունք անօգուտ են և իզուր,
Մի մայր լալիս է կքած՝ սիրտը բռնած ափի մեջ:

Մի մայր լալիս է անձայն, կորած հույսն է որոնում...
Վիշտն անամոք իր սրտի դաշտերին է նա պատմում...

Ապրիլ 1987

ՍԵՎԱՆ

Երկնակապույտ լիճ հայրենի,
Լազուր կամար, երկինք լուսե,
Երկնի ճամփին իրար գրկել,
Գույն ու տեսքով են շփոթվել:

Գեղամ սարի լանջին անջող
Ձյունն է հավվում, դանդաղ հոսում,
Հազար հանգով, երգ ու տաղով
Միանում է լճին բարով:

Կապույտ-լազուր լճի խորքից
— Ծիծաղ-ծիծաղ ձերմակ փրփուր—
Ալիքներն են ափին գալիս,
Ջերմ կարոտով համբույր տալիս:

Միջօրեին արևն եկել,
Լճի վրա է խոնարհվել,
Ջուլալ ջրից խմել, հարբել,
Ջինջ հայելուց այրվել, շիկնել:

Լազուր-կապույտ լիճ իմ լուսե,
Կյանք ու ծիծաղ ազգիս, հուսե՝
Կյանքովը քո կյանք ես տալիս
Նոր կյանք ապրող ժողովրդիս:

Սեպտեմբեր 1986

Կանգնել ես հպարտ, փառահեղ, խոհուն,
 Ժամանակների հավերժակա՛ն սյուն,
 Կանգնել ես դաշտում, լուռ խորհրդածում,
 Մերթ պայծառ ժպտում, մերթ մուսլ թախծում:

Դիտում եմ հեռվից, քեզնով հմայվում,
 Փորձում եմ կարդալ խորհուրդդ թաքուն
 Եվ պատմությունը հազար դարերի,
 Նոյից սուրբ Հակոբ, մինչև Աբովյան:

Հավերժական ես, սա՛ր իմ սրբազան,
 Քանդակ կատարյալ՝ տեսքով բազմազան,
 Արշալույսների համբույրով ցողուն,
 Վերջալույսների թախիծով օծուն:

Ինձ նման խելառ ամպեր մոլորուն
 Սիրահարվել են քո տեսքին շքեղ,
 Խոռվք է ապրում սիրոս սիրակեզ,
 Երբ օտար ամպեր փաթաթվում են քեզ:

Հունիս 1986

Բարի լույս քեզ աշխարհ սիրուն,
 Բարի լույս քեզ, ողջ մարդկություն:
 Զարթնել եմ ես իմ խոր քնից,
 Ծառագույնը հորիզոնի
 Աչքս բացել, ողջունել եմ:
 Արշալույսի կարմիր շողերն
 Աշխարհ լցնող՝ ըմբռնվանել եմ,
 Արեգակի վեհ հայելուն՝
 Արարատի սեզ գագաթին,
 Առավոտյան թարմ աչքերով
 Ես նայել եմ հին կարոտով:

Խաղաղ, պայծառ և բազմերանգ
 Առավոտ է Հայաստանում:
 Խոտի վրա շաղն է նստել
 Ադամանդե աչիկներով,
 Լայնատարած Արարատյան
 Դաշտն է հագել առավոտյան
 Ծամանդաղը՝ գերթ պարեգոտ
 Իր թափանցիկ նուրբ շղարշով:
 Կյանքն է հառնում զվարթ, ծաղկուն՝
 Փողոցներում ու շենքերում:

Համատարած խաղաղություն,
 Դաշտ ու հանդում հանդարտություն:
 Ծուտով կյանքը պիտի եռա,
 Նոր ավյունով պիտի խայտա՝
 Մոռացած հոգսը երեկվա.
 Պայծառ հույսով մեր ապագա...
 Քեզ բլր՛ր ողջուն, ոսկի արև,
 Ամենօրյա մեր կենսատու:

Ողջույն և քեզ, որդի՛ մարդո,
Եղբա՛յր ծաւոթ ու անծանոթ,
Եղբա՛յր հեռու և մերձավոր:
Ժամանակն է հասել, զարթի՛ր
Քո խոր քնից, վե՛ր կաց, կանգնի՛ր,
Երեկվա հոգսը թոթափի՛ր,
Նոր հավատով ողջագորի՛ր
Մարդկությունն ողջ մոլորակի
Եվ քո ձայնով ուժգին կանչի՛ր,
Ծագող լույսը դու ավետի՛ր:

Այս աշխարհի բնակիչներն
Երկրի վրա ուր էլ լինեն,
Աչք բացելիս առավոտյան
Խինդով մարդկանց թող ողջունեն:
Ողջունեն թող ծանոթներին,
Բարի՛ն մաղթեն անծանոթին
Անկեղծ սրտով՝ սիրով ցողուն,
Ապագայի հույսով լեցուն,
Որ լինի օրն արդար, բարի,
Եվ լինի կյանքն արդյունալի:
Մարդկությունը այս աշխարհի
Թեև մաղթանքն ունի բարի՝
Հին դարերից ժառանգված,
Իր շրթներին դրոշմված,
Բայց տառապում է դեռ անհույս
Նախանձի ու ատելության,
Կեղեքումի, տիրակալման
Իր ժառանգած հին մեղքերով:
Ծուրջդ դիտի՛ր դու ուշադիր,
Այս աշխարհում որքա՛ն մարդիկ
Անտուն քնում են փողոցում,
Անգործ հաճախ մահն են տենչում:
Արդարության, սիրո ծարավն
Անհուսության գիրկն է անտում

Եվ կորստյան մատնում նրանց:
Եվ աշխարհում քանի՞ ցեղեր
Իրենց մաշկի գույնի համար,
Հավատամքի ու ցեղային
Խտրի համար են հալածվում,
Անարգանքի սյունին գամվում:

Իսկ այլ մասում մոլորակի
Հղփացել են ինչքից մարդիկ,
Կեղեքում են նմաններին,
Ստրկացնում և սպանում,
Մամոնային երկրպագում,
Իրենց համար ինչք են դիզում
Առանց երբեք խղճի խայթի
Եվ կամ դուզն անդրադարձի:
Ահա, խեղդեմ, իմ բարեկամ,
Ա՛յս է աշխարհն մեր այսօրվա:
Ինչպես երեկ, այսօր կրկին
Ամբողջ սրտով պիտի գոչեմ
Ողջ աշխարհի խեղճ մարդկության,
Ես բարի լույսը ավետեմ
Վաղվա արդար հույսով լեցուն:

Վե՛ր կաց, եղբա՛յր իմ տառապած,
Ջարթի՛ր, էլի՛ր քո խոր քնից.
Գիշերն անցավ, լույսն է բացվել,
Դարն է հասել վերածնման,
Ժամն է հնչել արդարության,
Բարձրադադակ և համարձակ
Գոչի՛ր ուժգին և ողջունի՛ր
Բոլոր մարդկանց՝ վառ հույսով լի,
Ջարթնող բոլոր երկրների:

Տե՛ս, արևը առանց խտիր
Լույսն իր բաշխում է բոլորին:
Կյանքը պարզև է մեզ տրված,
Մեր Արարչից մեզ շնորհված:
Հավատա՛ դու արդարության,
Նրա պտղին՝ խաղաղության,
Որ պիտի գա, մի օր բազմի
Սրտի վրա ողջ մարդկության:

Մինչ այդ, եղբա՛յր, լի հավատով՝
Արև՝ եղիր, դու օ՛դ դարձիր,
Կյա՛նք տուր նորին մեր գալիքի,
Լույսդ սիրի՛ր, ձեռքդ երկարի՛ր,
Հասի՛ր թույլին, խապա՛ն օգնիր:
Եվ անխտիր քո շնորհից
Քո սեղանի բարիքներից
Բաշխի՛ր բոլոր աղքատներին,
Առատ, անծիր բաշխի՛ր խեղճին,
Իդեալի՛ն սպասարկիր,
Որ ծագի լույսն արդարության
Եվ բնակվի մեջ մարդկության:

Քեզ բյո՛ւր ողջույն Հայաստանից,
Մեր տառապած, նահատակված,
Արդարության այնքա՛ն կարոտ
Արդարամիտ ժողովրդից:
Մեր ծով արյամբ սրբագործված
Բիբլիական այս սուրբ հողից,
Արևավառ մեր օջախից
Բարի լո՛ւյս քեզ, եղբա՛յր անգին,
Մենք՝ լծակից վե՛ր երազին՝
Մոլորակի և մարդկության
Հավերժ խաղաղ սպազային:

Տո՛ւր ողջույնդ ստավուտյան
Մարդկանց բոլոր՝ հույսով անմար,
Որ բարի լույսն խաղաղության
Ընդմիշտ հաղթի չարին դաժան:

Սեպտեմբեր 1986

Մեզ սարերի լանջից բխող գուլալ ջուր,
Ծիրակի դաշտից քաղված հաց մաքուր,
Նարեկի շրթից՝ աղոթք թրթռում
Եվ շինականի քրտինք պսպղում ...

Մերն արևն է ջինջ, կապույտ երկնքի
Եվ հողը արդար բերրի իմ երկրի.
Անձրևն է պսպակ ցորենի արտի
Եվ արարիչը մեր տիեզերքի...

Սիրո մեջ չկա անձնասիրություն,
Նվիրում է նա, անձնագոհություն:
Սիրո տաճարի մաքուր խորանում
Սրտերն հավասար են զոհաբերվում:

Սիրո մեջ բնավ չկա խտրություն,
Արդար է սերը սիրող մոր նման,
Մերն, հավետ ներկա, նոխազ է խոնարհ՝
Պատրաստ զոհվելու սիրելվույն համար...

Սեպտեմբեր 1987

Արարատյան դաշտի եզրին
Կա մի քաղաք հին ու անգին,
Խոր դարերի փռշին թոթված,
Նոր օրերի փառքով զուգված:

Դա իմ քաղաքն է՝ Երևան,
Իմ հույզերի շտեմարան.
Էրեբունի, իմ Երևան,
Մեր նոր կյանքի դու ձուլարան:

Կյանքիդ ճամփով դարեր անցան,
Սփռվեցինք աստղերի պես,
Դու մնացիր անմար փարոս,
Մեզ տուն կանչող ձայն մայրական:

Վաղարշապատ, Անի, Դվին,
Արտաշատ ու Վան՝ գնացին...
Մեր տեսիլքի ամուր կովան,
Դու նոր կյանքի հզոր կայան:

Քեզ սիրում եմ, իմ Երևան,
Դու խոսացած ողջ Հայաստան,
Լուսն շողուն ճամփաներով
Տանում ես մեզ նոր տեսիլքով:

Սեպտեմբեր 1986

Նորածին մանկան
Կանչի պես թարմ ես,
Եվ սարի լանջին
Նիրհող ձյունի պես՝
Մաքուր ու անբիծ:

Քեզ ո՞վ է ծնել,
Աշխարհ գարդարել
Մի անգին գանձով՝
Գոհար մարգարտով,
Խինդ ու ծիծաղով:

Դու՛ ծաղիկ գարնան,
Դու՛ գարուն վառման,
Բուրմունքդ է ստել
Սարեր ու ձորեր,
Նոր կյանքով լցրել:

Իմ հայրենիքի,
Մեր օրհնյալ հողի
Պտուղ քաղցրահամ,
Ծնունդ գերազանց,
Խնդություն անանց:

Դեկտեմբեր 1986

Դու մերն ես, լե՛ն իմ, մերն ես հավիտյան,
Կանգնել ես հեռվում կարտոով անհուն,
Նայում ես, ժպտում, մեզնով լիսնում,
Քո տեսքից գերված՝ հասակ ենք ստնում:

Պարզապես քեզ, լե՛ն, մեզնից խլել են
Մեր գողգոթայի դաժան օրերին.
Թեև թշնամու սրով խողխողվել՝
Իսպառ չենք կորչել, քո տեսքից գրկվել:

Դու մերն ես, լե՛ն իմ, անունդ վկա,
Տե՛ս, օրըստօրե անում ենք ահա.
Մի օր, հավատա՛, պար ու նվագով
Քեզ պիտի գրկենք անմար կարտոով:

Չէ՞ որ դու մայր ես՝ տուն կանչող, բարի,
Եվ խորհրդանիշն իմ ժողովրդի,
Չէ՞ որ դու հարսն ես մեր երազների,
Դու, լե՛ն սրբազան, խորհո՛ւրդ հայ կյանքի:

Մենք բիրլիսկան շատ վաղ օրերից
Ապրել ենք ու կանք՝ նույն հողին փարված,
Կյանքի նույն հունով քայլել դարերով
Եվ ձուլվել միմյանց՝ մի անձ դառնալով:

Մի՛րտ իմ, դու երկնի՛ր, մարգարեացի՛ր,
Քո ձայնով հուժկու աշխարհին հայտնի՛ր՝
Թող չարը սարսուռ, լավն էլ իմանա,
Որ մերն ես եղել, մերն էլ կմնաս:

Նոյեմբեր 1986

ՀՈՂ ՀԱՅՐԵՆԻ

Ես հողն եմ, հողն եմ հայրենի, որ կա,
Ծնվել եմ հողից, հող էլ կրառնամ,
Հայրենիքս ու ես հենց դրա համար
Ձեռք կարող լինել էպոյամբ տարբեր:

Իմ նախնիները ապրել են այստեղ,
Հողի ընդերքից նոր կյանք ստեղծել,
Իմ հերոսները կռվել են այստեղ,
Իրենց արյունով հողը ոռոգել:

Երակներին մեջ իմ հողի ուժը
Ավյուն է դարձել, ու նրա կանչը
Սրտումս անթեղված արձագանքում է
Դարերի խորքից, սիրո երգ դառնում:

Սերը իմ հողի հավատ է դարձել,
Արարիչ դարձրել, պայքարի մղել,
Թշնամու դիմաց մահվան է հաղթել,
Իսկ կյանքում խաղաղ՝ անվերջ արարել:

Ես երջանիկ եմ, որ գտա նրան,
Հայրենիքս ու ես նույնն ենք հավիտյան,
Սիրել ենք իրար բազում դարերով,
Եվ սիրելու ենք թաքուն կապերով:

Հունիս 1986

ՄԱՆԹԱԾԻ ՀՈՎՏՈՒՄ

Մանթաշի հովիտ՝ ծաղկուն դաշտերով,
Լեռների լանջից կախված ամպերով,
Սարից սար գցված խոր-խոր ձորերով,
Նախշուն հավքերի դյուպօիչ երգերով:

Դաշտեր ու լանջեր կանաչ ու թավշյա,
Ծովեր անսահման, ծփուն, զմրուխոյա,
Սարերի կողին թառած անտառներ,
Մարգերի ծոցում այծեր ու գառներ:

Խոխոջն առվակի հավքերի երգին
Ընկերակցում է ոխթմով ցնծագին.
Ջեփյուն է շոյում իր նուրբ մատներով
Գույն-գույն ծաղիկներն ու դառնում գինով:

Հեովում, Արագած սարի կատարին
Արծաթ գմբեթներ երկինք են ձգտում,
Հեովից թվում է, որ քառագագաթ
Սարի կատարին ապրում է Աստված:

Երկիր հայրենի, չքնաղ, մոգական,
Իմ ապրումների դու շտեմարան,
Մի օր երբ ննջեմ, թաղվեմ քո հողում,
Երգ պիտի դառնամ, ոնջեմ քո ծոցում:

Օգոստոս 1988

Զորավար Անդրանիկի հիշատակին

Հերո՛ւս, ելի՛ր, դու մի՛ ննջիր,
Թոթափի՛ր մահն, ոտքի՛ կանգնիր.
Թամբի՛ր նժույգդ ու պացի՛ր
Գեպի Մուրազ հայոց երկիր:

Քե՛զ եմ կանչում արք հայկազունք
Որդիք արյաց հայկյան զարմի,
Քե՛զ եմ գովում հայոց կուսանք
Երգ ու պարով՝ կանչ հերոսի:

Օտար հողում վաթսուն տարի
Բալ է ննջես վատարանդի,
Ե՛կ տո՛ւն դարձիր, հերո՛ւս արի.
Վրեժդ արդար՝ հայոց ազգի:

Ծիրնիդ վրա սայասումից
Քարացեղ է Ապանն անգամ՝
Հայացքն ուղիւժ Տարնո դաշտին,
Հազարադրյուր մեր սարերին:

Հայկյան զարմի որդիք, զարթի՛ք,
Մի՛ նմանվեք կույսերին սին,
Բա՛վ է արժվին պատանդ պահեք,
Քաջի պատիվն ոտնակոխեք:

Թող Ալաշկերտ, Մուշ ու Սասուն
Էցվեն շնչով մեր հայկազուն.
Վանքերում տարք մատուղ զենեք,
Դարձն հերոսի տոնախմբեք:

Չկան քաջեր աննպատակ,
Հողն է քաջին փառքի պատկ,
Քաջն իր հողում է սերմանվում,
Հողն էլ՝ արյամբ սրբազործվում:

Երկի՛ր հայոց դու նսիրյան,
Ցնձա՛ հավետ, ա՛զգ իմ հայկյան,
Ուխտն հերոսի կատար սձող
Կամք հայության՝ հավերժ սպրող:

Մարտ 1988

Հովհաննիս

Սարերի վրա մի արծիվ խաղաղ
Ճախրում է հպարտ, շուրջպար է անում,
Թներն երկնքի ամպին է քսում
Ու սուրում թափով, ձորերն է չափում:

Զմրուխտ սարերից գեփուուն է բերում
Բյուր առվակների կարկաչն ըղձալի,
Հեռվում գառներն են մայում, թռչկոտում,
Բգեգ ու ճպուռ կշանքն են գովերգում:

Քիչ հետո հանդարտ սև ամպն է գալիս,
Որոտում, հորդում հեղեղի նման.
Սև ամպի տակից արևն է շողում,
Երկինքն իր ճակտին կապում ծիածան:

Մարտ 1986

Երեկոյան հնչեց կոչնակը ժամատան,
 ու ժամկոչը հնչեղ ձայնով եղանակեց՝
 Փողոցներում կանգ առնելով ու ձայնելով.
 «Համեցե՛ք ժամ, ողորմի ձեր ծնողացն Աստված»:

Փողոցներում անցորդները երեսներին
 Խաչ քաշեցին, ու բացվեցին ճոճալով
 Դուռ ու դարպաս գյուղի ճամփին, և շեներից
 Ահել-ջահել երկու սեռից ժամ փութացին:

Հորիզոնին, մայրամուտից մի պահ առաջ,
 Բլուրներից թիկնեց արևն, հրաժեշտ տվեց,
 Զմրուխտ սարից բառաչներով նախիրն իջավ,
 Ժամն ավարտվեց, ամեն հարկում վառվեց ճրագ:

Խավարն իջավ, հուշիկ ծածկեց գյուղը համայն,
 Քամին ոռնաց շների հետ փողոցներում,
 Ծխաց երդիկն ամեն մեկ տան քաղցր բույրով,
 Քնող մանուկն հեքիաթներից երազն հլուսեց:

Առավոտյան, աքաղաղի կանչից առաջ,
 Քաղցրալուր երգը ժամկոչի գյուղը լցրեց.
 «Լույսն է բացվել, ողորմության դուռն է բացվել»:
 Արևն արդար բացեց դռներն աշխատանքի:

Մայիս 1985

Ծաղկել է իմ նշենին գարնան շնչով ու բույրով,
 Կանգնել է նա առանձին զմրուխտ դաշտի եզերքին,
 Նորապսակ հարսի պես շիկնել, հագել սպիտակ,
 Մարգարիտներ շաղ տալով, կանաչ մարգը նախշելով:

Եվ մի գեփյուռ մոլորում՝ ճյուղերի մեջ նշենու
 Թափառում է ու հուզում ծաղկած ուտերն սպիտակ,
 Փրփրում է նշենին, ալիք-ալիք պսպրում,
 Զրերն ինչպես Սևանի կապույտ, անամպ երկնի տակ:

Եվ մի խարտյաշ մեղրատու անհագ տենչով ծծում է
 Նեկտարն ծաղկանց նշենու այնպես գաղտնի, գողունի,
 Ոտիկներով, թևերով բեղմնավորում է նրան
 Ու սրարբած՝ շնչում քաղցր խոսքեր ականջին:

Ծաղկել է իմ նշենին գարնան շնչով ու բույրով,
 Նորապսակ հարսի պես շիկնել գալիք բերքերով:

Ապրիլ 1986

ՏԱՐԵՐԻ ԵՐԳՈՎ

Ծառերն ծիրանի կքել են բերքով,
Տերևներն թիթեռ կանաչ են հագել,
Զեփյունն է շոյում, նրանց հետ խաղում,
Քշոցի նման երգ են շնչում:

Բերքի երգն հողի հնչում է օդում,
Մինչ շոյն արևի ներկում է թաքուն
Ծիրանի հատերն, ոսկի դարձրնում,
Համ ու հոտ տալիս ամեն մեկ պտղին:

Հասել է բերքը սրածառ երկնի տակ,
Ծառերի վրա շողքով արևի,
Աստղեր են ծնվել հյութեղ, գեղեցիկ,
Տե՛ս. կյանքն է եռում երգով տարերքի:

Հունիս 1986

ԱՐՓԱՅԻ ՀՈՎՏՈՒՄ

Արփան այստե՛ղ է երգն իր հորինում,
Հավերժության հետ նա քայլ է պահում,
Ահեղ մոռնչով ձորերն է լցնում,
Ծառ ու ծաղկունքին կյանք է պարզում:

Իր ճանապարհը հենց ինքն է բացել,
Ժայռից խղակներ, քանդակներ կերտել,
Ժեռ ափունքներից փրփրադեզ հոսել,
Իր ժողովրդին նոր երթ է տվել:

Սարերի վրա ձյունը սպիտակ
Բորբ արեգակին գերված նայելիս
Կկոցում աչքերն, արցունք է թափում,
Եվ ջինջ արցունքից Արփան է ծնվում:

Իմ սիրտը պապակ՝ կարտոով անհուն,
Դարավոր երգիդ թովչանքով գեղուն,
Եկել նստել է հովտում երկնային,
Իր հոտը գտած եղնիկի նման:

Հունիս 1986

Մեղո՛ւ սիրուն, մեղրատու,
Ի՞նչ ես ուզում փնձանից,
Թողած ծաղկունք ալ ալվան՝
Պտտվում ես իմ չորս դի՛ն:

Մեր լեռներն ու հովիտներն
Եվ անտառներն երփնագեղ
Վարդ ու ծաղկով գույնզգույն
Քեզ եմ կանչում, սպասում:

Կորնկանի դաշտերում
Զվարճասեր ընկերներիդ
Մեղմիկ շնչով գեփյուտի
Մոճք եմ խաղում ու բզզում:

Մինչ եղբայրների ե՛ն վազում
Ծաղկե-ծաղիկ, դաշտից-դաշտ,
Հափաքում եմ, կուտակում
Նեկտարն հյութեղ ծաղկունքի:

Օգոստոս 1986

«Խոսե՛, Լեմա՛ն, ձա՛յն տուր ջուրիդ ալքերեն,
Լեմա՛ն, Լեմա՛ն, պատմե՛ սերըդ լռիկ»:

Ռ. ՍԵՎԱԿ

Գիշերն ամբողջ լալիս էին
Մարգերն անհույս ու մենավոր,
Երկնքի ցողն իբր սփոփանք
Իջավ նրանց նուրբ երեսին:

Խոս ու ծաղիկ, թփերն ամեն
Ցող ու շաղով էին գուզվել,
Արևի տակ, գերթ ադամանդ,
Փայլում էին նրանք անթարթ:

Առավոտյան արևն էլավ
Սեզ սարերի մութ կատարից,
Ծաղն ու ցողը նա համբուրեց,
Տիրության տեղ՝ կյանք պարզեց:

Լիճն էր հանդարտ առավոտյան,
Զերթ հարս ննջող առագաստում,
Արևն իջավ սարի լանջից,
Կռանալով խմեց լճից:

Զուր խմելով նա համբուրեց
Իր իսկ շրթներն ջրի խորքում,
Լճին կարծես սեր բացատրեց
Ծողն արևի՛ տաք ու անկեղծ:

Եվ օրն ի բուն խաղաղ արևն
Լճի վրա, ջինջ երկնքում,
Ձերս շողերով սեր բացատրեց
Ծղարշ հազած իր սիրումում:

Սերն այդ հավերժ, դարե ի դար
Տևում է դեռ մինչև այսօր,
Ծողն արևի լինն է հուզում,
Լինը սիրուց ամպ է դառնում:

Ամպ ու արև կրկնի մովում
Խաղ են անում, իրար գգվում.
Երբ հոգնում են, լույսն է մեկնում,
Ամպը տխրած՝ լին է դառնում:

Սերն, անախարտ մի մեղեդի,
Դեռ ամեն օր, ջինջ օրերին,
Նոր երանգով է կրկնվում
Գաղտնագողի՝ այս պարտիզում:

Սեպտեմբեր 1988

Մտքի թևերով

ԵՂԱՅՐՈՒԹՅՈՒՆ

Ես ձեզ տեսած լինելու
Հրճվանքով եմ պարուրվել,
Բույրով խնկի, կնդրուկի
Հոգուս տաճարն է լցվել,
Այնպես քնքուշ, վարդագույն
Երանգ տվել իմ կյանքին,
Որ խնդությունն ինք կարծես
Իջել է ցած երկնքից:

Նայում եմ ես աշխարհին
Եվ չեմ ջոկում ոչ ոքի,
Չարն ու բարին միացել,
Քույր ու եղբայր են դարձել:
Ձեզ եմ միայն ես տեսնում
Բոլոր մարդկանց պատկերում
Ու ժպտում եմ թուրքին՝
Ձեր կերպաթը իմ մտքում:

Տարօրինակ ես, աշխարհ,
Մարդիկ նման են իրար.
Կյանքում երբ լավն ես տեսնում,
Էլ վատին չես նկատում,
Մինչև չարն քեզ չխոցի
Նրան դու չես նկատի:
Բարու հո՛ւնտը սերմանիր,
Ետ մի՛ նաչիր դու, անցի՛ր....

Ես ձեզ տեսած լինելու
Հրճվանքով եմ պարուրվել,
Ծաղկանց բույրով լցվել ու
Դառն օրերն եմ մոռացել:

Բագրի մարդկանց համար ես
Պատրաստ եմ տալ իմ հոգիս.
Եղբայրության հիմքում էլ
Թող սեր լինի, որ ծաղկի:

Նոյեմբեր 1988

ՏԵՂԵՐԻ ՎԱՆՔՈՒՄ

Ուզում եմ կրգով սիրոս ընծայել
Տեղերի վանքի սուրբ Աստվածամոր,
Մոմերի ճենճից սևցած պատերի
Ու կրկինք ձգտող կամարների տակ:

Ծարականների, տաղ ու գանձերի
Երգով եմ ուզում երկինք բարձրանալ
Եվ իմ կրգի մեջ ուզում եմ դնել
Իմ ողջ էությունն ու անէանալ:

Ի՛նչ զգլիիչ է լինել հանդիման
Կլանքի Արարչին այս սուրբ տաճարում,
Թոթափել այստեղ փառքի ցնցոտին,
Մանկանալ, պարզվել ու պայծառանալ:

Հունիս 1986

Հին երգերս երազ դարձան ու անցան,
Օրերն եկան ճամփորդի պես, գնացին,
Զյունասպիտակ ամպերն հեռու չվեցին
Ու հավվեցին առանց ցողի, անձրևի:

— Հին ու սիրած իմ երգերից դուք գիտե՞ք,-
Հարցրեցի ես անցորդներին փողոցի.
Դառն ժպտացին, անպատասխան գնացին,
Սիրտս մնաց ցուրտ գիշերվա ճամփեքին:

Իբր սփոփանք՝ հին օրերից անթեղված
Միայն մի կայծ ջերմացնում է իմ հոգին:
Իմ գա՛նձ անգին, իմ անցյալի հայելին,
Քեզ նայելով սփոփվում է իմ հոգին:

Դեկտեմբեր 1980

Սերը շաղախն էր հողի,
Մի ձեռք հզոր, երկնային,
Ցողեց սերն իր ու շաղեց
Հողը անարգ ու անբեր:

Տվեց նա ձև, կերպարանք,
Տվեց թոփչքն իր շնչի,
Կավը թրթռաց, մարմնացավ,
Սերն՝ իբր հոգի զգեցավ:

Մարդն առաջին, իր հերթին,
Ոտների տակ տքնանքով
Տրորեց հողն ու վարեց,
Քրտինքով բերքն հավաքեց:

Հազար ու մի հնարքով
Ու դարավոր իր փորձով
Մարդն արարեց կյանքը մոր
Եվ պահանջներն իր բոլոր:

Երկար-երկար դարերով
Ապրեց մարդը մի իղձով.
Որ ինք դառնա արարիչ,
Անմահությանն իր կերտիչ:

Մարդու համար արարող
Կյանքն ավարտվեց իբրև հող.
Հոգին մնաց անմարմին
Ու միացավ անհունին...

Հունվար 1973

ՆՐԱՆ

Երբ սիրեցի,
Նրա համար
Ինքնամոռաց
Մեռնել անգամ
Հանձն առի:

Երբ վշտացրի,
Խոցված սրտին
Սպեղանի
Դառնալ հոգով
Ես տենչացի:

Երբ վշտացա,
Փոխարենը,
Որպես վրեժ,
Հաճույք, վայելք
Ես փնտրեցի:

Տարօրինակ...
Այո հաճույքից,
Այո վայելքից,
Նշույլ անգամ
Չմնաց ինձ:

Մայիս 1977

ՆՈՐ ՏԱՐԻ

Եկար հանդարտ, նույն հանկերգով և կշռույթով,
Կարծես չէիր դու Նոր տարի, այնպես եկար.
Բարի՛ գալուստ, մեր շենքից ներս ոտքդ բարի՛,
Նոր դուռ բացվող մեր անկատար երազների:

Աղերս ունեմ. թող մեր երկիրն խաղալ լինի,
Կյանքը՝ պարզև աստվածային, շարունակվի.
Եթե հանկարծ երկրից չքվի ազնիվ հոգին,
Տե՛ր, վերստին մեզ պարզեցի՛ր Հիսուս Որդին:

Կյանքն է երազ մի լուսավոր, բյուր էջերով,
Մարդիկ՝ ճրագ, մեկ-մեկ կանթեղ վառվող ներթով,
Ծառերն են գուր վառվում ցերեկն, անհետ կորչում,
Իմաստունը մույթ խավարն է լույսով պճնում:

Ե՛կ ներս շենքից, հազա՛ր բարով, հույսի՛ տարի,
Ես չգիտեմ ի՞նչ ես բերում... գալըդ բարի՛:

Փոքստոս 1986

Աշնան երգը սկսվեց. բարդիներն են շնչում
Պարմանի պես վարանոտ, հեզաճկուն կաքավում,
Կարծես վազում ընդառաջ սևաչ, վառվոռն պատանուն,
Քնքուշ նազով են խայտում բարդիները դաշտերում:

Ծունչը փարթամ ոստերի, մերթ գորեղ, մերթ նվաղուն,
Օղը լցնում է խինդով, աշնան բերքի ժպիտով,
Գորգի վրա մարգերի չոր տերևներ են թափվում,
Քամու շնչից փոփոխուն՝ խճանկար են կազմում:

Անտառներից մեր Սոսյաց տոնական շունչը կարծես
Աշնան բերքի հետ եկել, մեր շենքերում է լցվել,
Կարասն է մեր լի գինով, մառանն է մեր լի բարով,
Անգուսպ մի երգ հեթանոս աշնան շնչով է պոռթկում:

Ցանհի՛ր աշնան դաշտերում ոսկի սերմը ցորենի,
Զմռան տաքուկ ձյան տակ գալիքի երգն հորիհիր,
Ծիծեռնակներն երբ դառնան, ծիծաղո՞ւ աղբյուր թող լինի,
Ծեներից մինչ դաշտերը բերքը օրհնչյալ թող լինի:

Սեպտեմբեր 1986

Մենք ինչե՛ր ունենք դեռ կատարելիք,
Դեռ երկար ճամփա ունենք կտրելիք.
Դուք տարբեր ճամփից եք գնում առաջ,
Մեր ուղին ուրիշ, ուրիշ է ձերից:

Մեր ավերակներն վեր են հառնելու,
Մեր մեռելները՝ անմահանալու,
Մեր սրբություններն են կյանք առնելու,
Դուք նախճիր, ավեր մեզ պես չեք տեսել:

Եթե խոսելու լեզու ունենան
Խոնարհված բոլոր մեր սրբություններն,
Այնժամ դուք միայն լավ կճաճաչեք
Մեր կյանքի ուղին, մեր տունն ավերակ:

Մենք կառուցում ենք, վերակառուցում,
Սիսակ ենք ուղղում, փլվածը՝ կերտում,
Մի օր մենք փառքով կդիմավորենք
Ձեզ, ո՛վ եղբայրներ, մեր նախնյա՛ց փառքով:

Օգոստոս 1988

Տարիներ անց վերստին գալիս եմ քեզ տեսության,
 Կարոտն է ինձ պարուրել ծանոթ երգի թովչանքով,
 Վերհիշում եմ պարզ, հստակ օրերն անցած՝ մտովի,
 Որպես անանց մի երազ, անսկիզբ ու անվախճան:

Մտե եմ գալիս ես կրկին զբոսազուրկ ինձ ծանոթ,
 Ի գուր անցյալս եմ փնտրում ու չեմ գտնում՝ հուսահատ,
 Հիս օրերը, գերթ երազ, անհետ կորան գնացին,
 Մի քաղցր հուշ է հատնում հին օրերից, հուզում ինձ:

Տարիներ անց եկել եմ, իմ անցյալն եմ վերհիշում,
 Որքա՞ն ծաղիկ որքա՞ն սեր խամրել, փոշի են դարձել.
 Անցո՞րդ, կանգնի՞ր և հիշի՞ր, քանի՞ մարդիկ են անցել,
 Այս ճամփեքով գնացել, անհուշ կորել, չքացել...

Ամեն բան իր տեղում է՝ այգի, ճամփա, հուշարձան,
 Լոկ ժամանակն է սահել. տարել, կորցրել է շատ բան,
 Կա՛նգ առ, պա՛ք, սթափվեմ, թևեր առնեմ. թևածեմ,
 Անուրջի մեջ անցյալի հին հույզերս որոնեմ:

Նոր են մարդիկ, ամենուր կլանքն է ետում. փոթորկվում,
 Հին ճամփեքին նոր մարդիկ նոր երազներ են հյուսում,
 Կլանքն է հոսում հին հունով, նման Թեմզին ետ-սուսջ,
 Ի՞նչ եմ փնտրում ես այստեղ... ես որ դարձել եմ օտար:

Հունիս 1987

Թափի՛ր արծաթը լուսառատ ծոցիդ,
 Կարոտ եմք, կարոտ փառահեղ ցուքիդ,
 Ներկի՛ր աշխարհը գույնով քո զվարթ,
 Շուայլ, մեծասիրտ մարդու պես հպարտ:

Սփռի՛ր գիշերվա լուռության մեջ խոր
 Մարդկության վրա շնորհներիդ անհուն.
 Տո՛ւր մինչ ու անդորր, երազ հոգեթով
 Տառապող մարդուն, հոգևած, հոգեխտով:

Եվ մխիթարի՛ր նրանց, որ անքուն
 Սպասում են քո օրհնաբեր այցին,
 Ո՛վ մխիթարանք լուսե թևերով,
 Հասի՛ր անտունին, անտերին փութով:

Դու՛ ա՛չք երկնային, դու՛ ամենատե՛ս,
 Դո՛ւ՛ լույս պատուհան ծոցում խավարի,
 Լույսդ ցուացրու իբրև հայելի,
 Խավարն իմ վանի՛ր շողով քո փառքի:

Օգոստոս 1988

Ուխտավորներ խաղաղության աղերսով
Ողջ աշխարհի չորս ծագերից հավաքվել,
Ծոմապահում, աղոթում ենք, պաղատում,
Որ Դու լսես մեր աղերսն ու ողորմես:

Մեղքե՛րն արդյոք մեր անհամար, անպարփակ,
Թե՛ք քարացած, ապար դարձած մեր սրտերն,
Տե՛ր, փակել են ողորմության դուռը Քո,
Հասի՛ր Դու մեզ՝ կորուսելոցս օգնության:

Աշխարհն է մեր ալեկոծվել, փոթորկվել,
Ազգ-ազգի դեմ թշնամացել է քենով,
Սև ամպի պես ատելությունն է դիզվել,
Արդարության կանչն է խեղդվել, խլացվել:

Մահվան գեներ դու մի՛ շինիր կուտակիր,
Եղբա՛յր անգին, կայե՛ն ես դու դառնալու...
Փշո՛ր գեներդ, խաղաղության ծառայիր,
Ողջ մարդկության եղբայրության դու ձգտիր:

Մենք՝ ուխտավոր, լեռների մեջ սրբազան,
Ասիզացու անվամբ կոչվող քաղաքում,
Մեր ձեռքերում ձիթենու ոստ ու շրթին
Խաղաղության կոչն ենք քերում աշխարհին:

Ողջո՛ւյն սիրո և հաշտության, քեզ, եղբա՛յր,
Իմ հարազատ, իմ հեռավոր մերձավոր,
Բիբլիական հաչ աշխարհից քեզ ողջո՛ւյն,
Խաղաղաթո՛ւն ալեկոծված աշխարհին:

Մթնշաղին դու մեկնող
Կարմիր արև դալկադեմ,
Նման վարդի ուշ աշնան՝
Գունատ, հիվանդ ու նսեմ:
Մայրամուտին դու հյուծվող
Ծրագ կյանքի սպառվող...

Կայտառ մանուկ դու գարնան
Խոստումներով անասման:

Օգոստոս 1988

Ես՝ այցելու քաղաքին հին Հոռմի,
Անցնում եմ նեղ ու խճողված ճամփերով,
Դիտում եմ քեզ հիացումով, կլանված,
Հին-Նոր Հոռմ՝ քաղաք եռուն, կենսասեր:

Նոճիներիդ անտառում ես փնտրեցի
Հին փառքերիդ հերոսներին պանծալի:
Հուշարձաններ՝ այս ու այն տեղ սփռված,
Աստվածացյալ կեսարների անունով:

Հին փառքերիդ անյունի վրա հեթանոս
Կոթողվել են նոր կրոնի տաճարներ
Երկնապաշտ գութերներով, լայնահիստ,
Նորով հիմա հին մեղքերդ են սքողել:

Ահա՛ տաճարը փառավոր Պետրոսի,
Այստեղ Պողոսն արձանացած, հիասքանչ,
Սուրբ Տիրամոր, Կարապետի տաճարներն
Իրենց տեսքով թե են տալիս երազիս:

Հոռ՛մ, Հոռ՛մ, հավերժության դու օրրան,
Սուրբն ու անսուրբն իրար ձուլված, իրար մոտ,
Լույս ու սուվեր կարծես լինեն քո գրկում,
Իրար ասող, բայց իրարից անբաժան:

Սիրեցի ես քո սրբությունն անսահման:

Հոկտեմբեր 1986

Նորից բացվեց առավոտ,
Լույսը տիրեց աշխարհին,
Խավարն, ահեղ բռնավոր,
Պարտվեց լույսից փառավոր:

Գիշերն անցավ, մոռացա՛
Անքուն ժամերս իրիկվա.
Մխիթարա՛նք իմ կյանքի,
Լույս՝ կենսատու գալիքի:

Օրն է պայծառ, լուսառատ,
Սրտումս հազար երգ, խայտանք,
Թռչում է օրն աննկատ,
Թևածում եմ կյանքից-կյանք:

Մեպտեմբեր 1988

Որ աշխարհի մի անկյունում
Մի բուն հող է ինձ սպասում,
Ուշ կամ կանուխ, Աստված գիտե,
Այդ հողին եմ ետ դառնալու:

Սակայն սիրոս սիրով հորդուն
Ես ո՞ր տանեմ, ես ո՞ր թաղեմ,
Օտար հողում եթե ննջեմ,
Կրկին անգամ ես կմեռնեմ:

Սիրուն վայրեր՝ շա՛տ աշխարհում,
Մեկը մյուսից ճոխ առնքնող,
Բողոքն եմ ինձ հրրապուրում,
Բայց ես քեզնով եմ սիրոփում:

Սիրտ իմ, հավետ թափառական
Արդյոք որտե՞ղ մի օր հանկարծ
Դու կանգ կառնես ու կհանգես...
— Սիրտ իմ, դու ինձ չես դավաճան:

7 Օգոստոս 1991

Հավերժ պատարագ

(Հայաստանում տեղի ունեցած
ավերիչ երկրաշարժի առթիվ
7 դեկտեմբեր 1988):

Ո՛ր տայր... գաչս աղբերս արտասուաց, և
լայի զժողովուրդս գայս զտիւ և զգիշեր»
(Երեմիա 9):

Ես ինչպե՛ս սգամ, ասա՛ ինձ, Աստվա՛ծ,
Մեր բյուր բյուրավոր աղետյալներին:
Սիրտս է արյունում, տրտում եմ, տկար,
Արհավիրքի դեմ՝ անբառ, անբարբառ:

«Եղիցի կամք քո». մեռնե՛նք, չքանա՛նք...
Բայց երբեք մահից մենք չենք վախեցել,
Միայն պարտ է մեզ մարդո՛ւ պես մեռնել,
Մարտիկի նման պատվով, համարձակ:

Մահվան դեպքում մենք թող այնպես մեռնենք,
Ինչպես դիմել են մահվան մեր նախնիք.
Ծարավով, տենչով լոկ արդարության,
Անշեջ տեսիլքով բարու հաղթության:

Մեր հարք ասել են. «Մահ ոչ իմացեալ
Մահ է» և կորուստ, իսկ «մահ իմացեալ՝
Անմահութիւն է»: Պատգամն այս վսեմ
Պահած մեր սրտում՝ ապրենք աշխարհում:

Իբրև աղետյալ, մի՛ թող ընկնենք, Տե՛ր,
Առանց պայքարի և աննպատակ,
Մի՛ թող զոհ դառնանք մենք արհավիրքի՝
Փլատակներում կքած շենքերի:

Թող ընկնենք մարտո՛ւմ, պայքարի դաշտո՛ւմ,
Կովենք չարի դեմ վասն արդարության,
Թափենք մեր արյունն հանուն հայրենյաց,
Քաջի պես ընկնենք՝ մեր սրտից խոցված:

Արհավի՛րք էր սա, թե՞ սև պատուհաս,
Մեր գլխին եկած այսքան վաղահաս,
Մեր մեղքը ո՞րն էր, ո՞րն էր մեր հանցանք,
Տե՛ր, աղե՛տ էր սա, թե՞ սև պատուհաս:

Մենք այս օրերին վասն արդարության
Դարձած մարտիկներ՝ դռներ թակեցինք,
Խիղճեր փորձեցինք. լուռ էին նրանք,
Անտարբեր, անհոգ, մեր հայցի դեմ փակ:

Մեր տունը լցվեց գաղթականներով,
Մեր հայ եղբայրներն հարևան երկրից
Տուն էին եկել ահով, սարսափով՝
Խույս տալով մահից, թշնամու սրից:

Շատերն հայերից նահատակվեցին
Իրենց տներում ու փողոցներում,
Փոքրին ու մեծին չխնայեցին
Սուսգալիթ կոչվող տխուր քաղաքում:

Տուն դարձան ոմանք, հուսահատ, լքուն,
Հայրենի հողում դրին իրենց բույն,
Բայց հազիվ բուժած վերքերն իրենց խոր՝
Ծայր տվեց հանկարծ աղետն ահավոր:

Ջերթ ծով փոթորկվող հողն պեկոծվեց,
Ահեղ դրդմամբ աշխարհը շարժվեց,
Քառասուն վայրկյան երկիրը ցնցվեց,
Գյուղ, քաղաք քանդեց, բյուր կյանքեր խլեց:

Փվվեցին շենքեր, տներ, դպրոցներ,
Մանկապարտեզներ, հիվանդանոցներ,
Փվվեցին բազում արհեստանոցներ,
Թաղվեցին բազում շինարար ձեռքեր:

Աղետը քանդեց մեր տունն աղոթքի,
Կարծես եկել էր վերջը աշխարհի.
Աղետն այդ անկուշտ, արհավիրքն այդ կույր,
Ինչ որ հանդիպեց, քանդեց, տվեց կույ:

Աշխարհը մեր շեն դարձավ գերեզման.
Լացեր ու կոծեր, կանչեր օգնության,
Խելագար ճիչեր, պաղատանք, ողբեր
Հանկարծ լցրեցին լեռ, դաշտ ու ձորեր:

Քիչ առաջ այնտեղ կյանքն էր բորբ եռում,
Իսկ այժմ մահն է եղերերգվում,
Մի բուպե առաջ՝ ծիծաղ, խնդություն,
Այժմ՝ փլատակ և մեռելություն:

Տե՛ր, բուպեն էր այդ, բուպեն չարիքի,
Զլանայիր մեզ թող այդ պահն ահի,
Հեռու տանեիր բաժակն այս լեղի,
Թող շարժը լիներ դաշտում ամայի:

Օ՞ր, ցալի՛ րուպե, րուպե՛ քանդումի,
Ո՞վ ինձ ետ կտա պահն արարումի,
Մեր տան հետ փլվե՞ց, քանդվե՞ց մեր հոգին,
Վշտի ու ցալի առակ մեր հոգին:

Այսքան ավերակ, այսքան արհավիրք,
Զոհեր բյուրավոր մենք ինչպե՞ս ողբանք.
Վշտից ցամաքեց արցունքն իմ աչքի՛,
«Եղէ ես որպէս բու յաւերակի...»

Ցավն այս հոգեմաշ սահմանը անցավ,
Լապտերը հույսի հողմերից շիջեց,
Կայծակը զարկեց, մեր ծառը ճեղքեց,
Աղետը մեր տան հիմքերը սարսեց:

Մեր աչքի առաջ լույսը խավարեց,
Խավարը եկավ աշխարհը պատեց.
Մի պահ կարծեցինք հայ ազգը մեռավ,
Մեր դպար ծառը ընդմիշտ չորացավ:

Ապավենը մեր դո՛ւ ես, դո՛ւ միայն,
Միայն դո՛ւ գիտես սրտերի ճամփան,
Ո՛ւժ տուր, վե՛ր կանգնենք, մեր տունը կերտենք.
Չարակամների ծաղրը անգոսնենք:

Թշնամին չեղավ պատճառը մահվան
Բյուրավոր որդվոց զարմին հաղկազյան,
Մնացինք անգոր, շփոթ ու անկար,
Բնության առաջ՝ կարկամյալ, անբառ:

Քո ողորմության դռները բա՛ց, Տե՛ր,
Վշտով ու սուգով լցվեց կյանքը մեր,
Աղետն հանգցրեց հույսի մեր ճրագ,
Մնացինք շվար, տո՛ւր մեզ սփոփանք:

Վշտից մեր աչքերն ընդմիշտ չորացան,
Ծիծաղ ու ժպիտ ողբ ու կոծ դարձան,
Կոկոնը թփի մեր թառամեցավ,
Մանկանց ճիչն ուրախ երկրից վերացավ:

Հուսահատությունն, անգույն ու տժգույն,
Անապատելի իջավ մեր հոգուն,
Ողջերը դարձան անտուն, անավաղ,
Իսկ մեռելները մնացին անթաղ:

Գիշերն երբ իջավ, խավարը պատեց,
Վիրավորների վայն աշխարհ լցրեց,
Փլատակներից ճիչեր ողբաձայն,
Խավարը լցրին կանչերն օգնության:

Ամեն ոք իրն էր ողբում ու սգում,
Գութի ծարավի սրտեր կոտտացին,
Հուսահատ մաշեր խելազարվեցին,
Ո՞վ պիտի բերեր դարման մեր վշտին:

Հանկարծ մարդկայինն ընդոստ վեր կանգնեց.
Աշխարհի խիղճը արթնացավ, ցնցվեց,
Ամեն կողմ կոչեր, կանչեր օգնության,
Սրբազան դաշինք համերաշխության:

Հասան օգնության ձեռքեր մերձավոր,
Եկան օգնության ազգեր հեռավոր,
Բերին սերն իրենց գերթ դեղ մեր ցավին,
Հազար մի բարիք փութով հասցրին:

Տե՛ր, ի՞նչ հրաշք էր սա և ձեռք գթության՝
Մեր աղետը խիղճ տվեց մարդկության,
Թշնամանքն անգամ գութով պարուրվեց,
Մեր վերքը դեղվեց, մեր ցավը կիսվեց:

Մի՞թե մենք նոխազ էինք քավության,
Անմեղ պատարագ, զոհ եղբայրության,
Մեր զոհերն այսպես պիտ ամրացնեի՞ն
Կապն եղբայրության համամարդկային:

Տե՛ր, զոհողությունն այս Դու ընդունի՛ր
Իբրև պատարագ վառըն հաշտության,
Մեր զոհերն ընկա՛լ մեջն արքայության,
Նրանց թանկ արյամբ մեղքերն մեր քավի՛ր:

Հավատում եմ, որ բարին է իշխում
Մեր այս աշխարհում և միշտ պայքարում
Անսանձ չարի դեմ, անարդարության,
Վերջում սերն է միշտ հաղթում բռնության:

Քո մարդեղության այս սուրբ օրերին
Մեր ցավն ամոքի՛ր, մեր վերքը բուժի՛ր,
Սգավորներես եղի՛ր մխիթար,
Մեզ ո՛ւժ պարգևիր, ո՛վ Տե՛ր բարերար:

Հակառակ բոլոր մխիթարությանց
Եվ մեզ կարկառված ձեռաց օգնության,
Հակառակ բազում խոր վշտակցությանց,
Մեր վերքն է կոտտում, մեր սիրտը՝ քամվում:

Ծակատագրի հետ ես չեմ հաշտվում,
Ընդվզում եմ ես, անվերջ բողոքում,
Ո՛վ մեզ ետ կտար մեր զոհվածներին...
Որքա՞ն վարդ խամրեց հայոց պարտեզում:

27 դեկտեմբեր 1988

Աշխարհն է դարձել նյութապաշտ, անկուշտ,
Խիղճ ու գույթ չբվել, ո՞ր եմ գնացել...
Ո՞վ արդյոք մեզնից իսպառ կողոպտեց
Զգացմունքները ազնիվ մեր հոգու:

Մարդիկ դարձել են կույր, անհեռառես,
Տեսնում են միայն անձն իրենց կարծես,
Նրանց խոսքն է սին, փրփուր, իսկ իրենք՝
Անվստահելի և միշտ ուխտադրած:

Ամեն բանից վեր շահն իրենց դասում,
Ծահատակում են, խտիր չեն դնում,
Չկա սրբություն, չկա ուխտ, խոստում,
Չկա ոչինչ սուրբ, ոչ մի համոզում:

Նրանք կարող են ամեն ինչ անել,
Կաշառք վերցընել, խեղճին կողոպտել,
Դատել անարդար, գողանալ, ստել,
Պաշտոն ստանձնել, նախաթոռ լինել:

Նրանք կարող են շենքեր կառուցել,
Դրանց ցեմենտն ու երկաթը ծախել
Եվ առանց դույզն խղճահարության
Դրանով մարդկանց շինել գերեզման:

Նրանք կարող են հարճ ու ճորտ պահել,
Վաճառքի հանել խիղճ, սիրտ ու հոգի,
Տունն իրենց դարձնել հրաշք պալատներ,
Գողացված փողով ոսկի հորթ կերտել:

Կորել է պատիվ ու բարոյական,
Մի մոմ վառելով աղոթք չի լինի,
Մոմով մի՛ ծեփիր ծահրը քո հոգու,
Մեղքդ ծածկելով պատժից չես փախչի:

Աքեմը անգամ մարդուն չի փրկի,
Դա՛րձն է կարևոր, որ անձը փրկվի.
Աղոթքով սրտիդ պատերը քերի՛ր,
Սրբության համար լայն տեղ պատրաստիր:

Ո՞ր եմք մենք հասել և ո՞ր եմք գնում.
Ո՞վ պիտի ցնցի, սթափեցնի մեզ,
Որ անդրադառնանք ու շուտ ետ դառնանք
Անդնդի եզրից, նորից մա՛րդ դառնանք:

Խաբելը մեղք է և ո՛չ քաջություն,
Մեղք է գողանալն՝ ո՛չ հերոսություն,
Խարդախն իր արյունն է հար պղտորում,
Նրա որդիքն էլ նորմալ չեն ծնվում:

Ո՞ւմ եմք մենք խաբում, ումի՞ց գողանում,
Մի՞թե նույն հողի ծնունդները չենք,
Ինչո՞ւ, Տեր Աստված, այսպես խմբովին
Դավաճանում ենք մեր իդեալին:

Մենք երկուսով էլ, օ՛հ, մեղավոր ենք,
Բա՛վ է կեղծելով մենք միմյանց խաբենք,
Մի՞թե հայրենիք հող ունենալու
Եվ ծաղկեցնելու մենք արժանի չենք:

Ես նախանձում եմ բարի նախանձով
Եվ բարին մաղթում վշտի օրերին
Աշխարհի բոլոր ժողովուրդներին,
Հայրենիք կերտող, քրտինք թափողին:

Դա՛րձ իմաստության և զգաստության...
Դարձի՛ր, ով եղբայր, մոլորությունից,
Գործի՛ր հավատով, արդար օրօհնշով,
Որ որդիքդ ապրեն քեզ օրհնանք տալով:

Զգտի՛ր վսեմին, գեղեցկին, բարուն,
Պատմությունն ազգիդ դու լա՛վ սովորիր,
Ծանի՛ր քեզ նորից, չարն իսպառ վանիր,
Քո եղբոր համար կյանքդ նվիրիր:

Անարատ հոգով, անխախտ հավատով
Սպանենք մեր մեջ մենք արը փութով.
Հեռու անձնատեր նկրտումներից՝
Դատնանք իրարու հավերժ լծակից:

25 դեկտեմբեր 1988

Ռ Ե Զ Վ Ի Ե Մ

Փառք քեզ, Աստվա՛ծ, փառք հավիտյան
Տիեզերքի ստեղծողին,
Փառք երկնքի բարձունքներում,
Տիեզերքի ողջ տարածքում:

Հավիտյանից մինչ հավիտյան,
Արարիչ Դու ամենեցուն,
Փառք ու պատիվ, խոնարհություն
Հորը, Որդուն և Սուրբ Հոգուն:

Փառքի առաջ Քո լույս դեմքի
Վեցթևյան բյուր սերովբեներ,
Բազմաչք բազում քերովբեներ
Երանավետ ցնծում էին:

Դասն անհամար հրեշտակների
Երգում էր դաշն, քնքուշ ձայնով,
Տյառն Աստուծո փառքն էր հյուսում,
Գովաբանում սուրբ երգերով:

Տերն արարեց աշխարհն համայն
Ծրագրերին Իր հատձաշն,
Մարդուն կարգեց տեր, պահապան,
Ստեղծածն Իր շնորհեց նրան:

Ադամն ըմբոստ, անհնազանդ,
Դրժեց խոստումն սկզբնական,
Սողոսկեց մեղքն օձի նեխան,
Մարդը դարձավ նենգ, դավաճան:

Այսպես ահա ծնվեց, արևո՞ղ,
Բարու, չարի պայքարն ահեղ,
Բարին լավը միշտ արարեց,
Վատն էլ լավը խեղաթյուրեց:

Ժամանակներն երբ կրվեցին,
Սիրո իբրև գրավական
Տերն առաքեց իր իսկ Որդուն՝
Քավելու մեղքն աղանորդուն:

Նա որպես մարդ մեր մեջ ապրեց,
Սերն երկնածին մատուցվեց,
Մի օր մարդկանց ձեռքով դատվեց,
Ջերթ մեղավոր խաչ բարձրացվեց:

Խաչի վրա արյուն թափեց,
Զոհվեց անմեղ գառան նահան,
Իր արյունով լվաց, սրբեց,
Քավեց մեր մեղքն աղանական:

Երեք օր վերջ իր թաղումից,
Ըստ իր խոստման, Տերը հարյալ,
Իր հարությանը հաղթեց մահվան,
Կյանք պարգևեց անհույս մարդկանց:

—Ո՞վ գերագանց գահողություն—
Մարմին առավ, մարմնացավ Բանն,
Աստված իջավ, աշխարհն օրհնեց,
Բոլոր մարդկանց կյանք պարգևեց:

* * *

Ողբում ենք մենք, սգում, լալիս
Եվ պաղատում, ծնկի գալիս,
Ի՞նչ աղետ էր զարհուրելի,
Ի՞նչ արհավիրք քստմանելի:

Աղետյալներ բյուր-բյուրավոր,
— Երկրաշարժի անմեղ զոհեր—
Հոգին իրենց ավանդեցին,
Առանց անգամ անդրադարձի:

Տե՛ր, ընդունի՛ր նրանց հոգին,
Աղերսում ենք, նրանց ների՛ր.
Նրանց մեղաց տո՛ր քավություն,
Արդարների շարքում դասիր:

Խնդրում ենք Քեզ ու պաղատում,
Պահք ու ծոմով Քեզնից խնդրում,
Որ ընդունես նրանց հոգին,
Արժանացնես փառքի շողքին:

Խաղաղություն տուր երկնացին
Մեր տարաբախտ զոհյալներին,
Իմաստությանը մեզ զարդարիր՝
Ծառայելու Քեզ անձանձիր:

Պահի՛ր անփորձ ազգը հայոց
Տարերաչին աղետներից,
Մի՛ ենթարկիր էլ փորձության
Մեր նվիրումն ամբողջական:

Ո՛վ երկնային սուրբ պատարագ,
Դու երկնառաք մխիթարանք,
Ուսո՛ մեզ, Տե՛ր, զոհություն,
Ներել գուցե՛ս մեր թշնամուն:

Օվսաննա՛ Քեզ բարձունքներում,
Օվսաննա՛ Քեզ մեր սրտերում,
Հավե՛տ օրհնանք և զոհություն
Օրհնչալ Հոր մեր՝ Տեր Աստծուն:

27 դեկտեմբեր 1988

«ԽՕՍՔ ԸՆԴ ԱՍՏՈՒԾՈՅ»

Ցավին իմ անհուն օվկիանի պես խոր
Ցո՛ւր .ապեղանի, բուժի՛չդ ամենքի,
Հույսն իմ հեռավոր, աղոտ, մոտեցրո՛ւ,
Փառքիդ լույսով աչքն իմ պայծառացրո՛ւ:

Անձս բեկբեկված դու միավորի՛ր,
Ցնցըված հոգուս անդորրությունն սուր,
Առկայծ նրագն իմ հոգու բորբոքի՛ր.
Հույսի առագաստն իմ դու նորոգի՛ր:

Խամրել է բողբոջն զգայարանքիս,
Դարձել է ամուլ հունտը նոր կյանքի.
Բեկված թևերով անգոր ու վատուժ
Չեմ կարող թռչել, անկար եմ ես հույժ:

Անիմանալի խորհուրդ լուսանեմ,
Ինչպե՛ս ըմբռնեմ քեզ, իմը դարձնեմ.
Ո՛վ դարերն հյուսող շաղկապ ամրակուռ,
Տիեզերքն ամբողջ համադրող բևեռ:

Բա՛ց իմ աչքերը, մեզն իմ փարատի՛ր,
Քո անհաս փառքի լույսը պարգևի՛ր,
Որ տեսնեմ, զգամ, հրճվեմ ու պաշտեմ,
Փառք տամ, գովերգեմ, քեզ հավե՛տ օրհնեմ:

15 մայիս 1989

Երբ խոցվեցիր տարերային աղետից,
Ծառերն եկան կարեկցանքի խոսքերով
Եվ վերքերիդ սպեղանի փութացրին,
Վիշտ ու ցավդ խոսք ու գործով մեղմեցին:

Դու վիրավոր, որդեկորույս յոր նման,
Անմխիթար, բզրկտված հոգիով
Մահվան տազնապը ապրեցիր հոգեխոտով,
Ցավն անամոք քեզ զգետնեց, տապալեց:

Ամիսներ վերջ դու կանգնել ես տանջահար,
Նոր ես զգում չափն աղետին ահավոր,
Հիմա արդեն մարդիկ դարձած անբարբառ՝
Քեզ նայում են հանգած հոգով, անտարբեր:

Քո՛նն է այժմ հերթը գործի, սթափվի՛ր,
Ուժերդ ամբողջ համախմբի՛ր, ամփոփի՛ր,
Որպեսզի դու վերածնվես ու ապրես.
Քաջի նման հարկ է կանգնես ու կերտես:

26 մայիս 1989

Սան Սնտոնին

Ալպյան լեռնային մսնուշակների
Ընտրելագույնն ես
Եվ Քուր քաղաքի լեռների հովտաց
Ծուշանն ես անքիծ:

Սարն ի վեր ձգվող ձեր այգիների
Կութքն ես արևատ
Եվ սեղաններից խինդ, եռանդ տվող
Գիճին բուրավետ:

Դու եկել էիր մեր երկրաշարժի
Աղետի պահին՝
Ավերակների տակից հանելու
Ողջեր, մեռյալներ:

Օրեր շարունակ հանգիստդ թողած՝
Օգնեցիր մարդկանց,
Վրահների տակ ցուրտ գիշերների:
Վիշտդ գրկեցիր:

Մարդասիրությունն ու սերն էր բերել
Քեզ ի Հայաստան,
Կարճ ժամանակում շտապ փութացիր,
Հասար օգնության:

Վարժեցրած շանդ հետ հողը պեղեցիր,
Կյանքեր փրկեցիր,
Եղար մի հրեշտակ՝ երկնքից իջած,
Կարծես մի օրհնանք:

Տեսար մեր աշխարհն ավեր ու քանդված,
Իրրոր մեր՝ փլված,
Տխուր հեռացար, խոցված, վշտահար,
Մեզ չմոռացար:

Մեր քաղաքամայրն անգամ չտեսար,
Շտապ չվեցիր,
Նոյան մեր հողի աղն ու հացն անգամ
Չհամտեսեցիր:

Գնացիր չքնաղ քո երկիրն ծաղկուն,
Մարդկանց պատմեցիր
Ընկճված սրտով աղետի մասին
Եվ հեկեկացիր:

Եվ այդ օրերից դեռ մինչև այսօր
Հետևում ես մեզ,
Մեր ճակատագրով ես մտատանջվո՞ւմ
Ու սրտակցում մեզ:

Ալայան մանուշակ, խոնարհ ու քնքուշ.
Ո՞ր հրաշքն արդյոք
Իմ ձեռքից բռնած քեզ մոտ բերեց ինձ
Ու երջանկացրեց:

Հանդիպելով քեզ՝ ես խոնարհվեցի
Վե՞հ հոգուդ առաջ.
Անձիդ միջոցով փառավորվե՞ն թող
Նմանները քո:

18 սեպտեմբեր 1989

ԾՈՒՆՉ ՀԱՐՈՒԹՅԱՆ

Ծունչն է ահա հարության...
Ողջ երկիրն է արթնացել,
Չոր ճյուղերի մեջ թաքուն
Ավյուն ու կյանք է լցվել:
Թըրթռոտում է աննկատ
Եվ երկնում է ցնծագին
Ամեն մեկ ծառ, ամեն թուփ՝
Գարնան տենդով վարարուն:

Անցյալ ձմեռը բերեց
Մոռյլ օրեր, սուգ ու սով,
Աղետն եկավ ու սարսեց
Երկիրը մեր զայրույթով.
Փլավ մեր տունն ու դարձանք
Անապաստան, աներդիկ.
Քանի՞ անգամ է փլվել
Տունն այս, «սոռ լա՛ճ տնավեր»:

Գառնո տաճարն հեթանոս
Աստվածների փլվել է.
Տաթև, Անի, Զվարթնոց
Եվ այլ բազում տաճարներ
Երկրաշարժից կործանվել,
Ավերակույտ են դարձել,
Բայց նորից վեր են հաննել,
Հայի ձեռքով կյանք առել:

Քանի՜ անգամ չվել է
Հայ ծիծեռնակն իր բնից,
Գաղջ վայրերի տեղնաճրով
Նոր բույն, նոր կյանք որոնել:
Ո՞ր էս գնում, հեռանում,
Դու թռչուն չես թևավոր,
Նեղ օրերին դիմացիր,
Քո տան սյունը դու դարձիր:

Հող, հայրենիք ունենալ
Մեր հայրերն են տեղնացել.
Երբ կործանվել է Անին,
Կիլիկյան Տունն ենք հիմնել.
Երբ Կիլիկիան ենք կորցրել,
Նորից մեր տունն ենք դարձել,
Արյուն հեղել, պայքարել,
Հողին փարված մնացել:

Գիր ու գրչով ենք սնվել
Խաղաղության օրերին,
Սուր ու զենքով դեմ դրել
Ոսոխի մութ դավերին:
Ուռխն է մե՛ս նվաճել,
Երբ միաբան չենք եղել,
Դավերի դեմ մահաբեր
Միության՝ ենք դիմադրել:

Վաստ օրերը կզնան,
Կմոռացվի աղետն էլ,
Կհաղվի ձյունը ձմռան,
Նորից գարուն կբացվի:
Հավատը քո նորոգի՛ր,
Մեր սուրբ հողին դու փարվի՛ր,
Նոր հույզերով տոգորված՝
Տեսիլդ կյանքի վերածի՛ր:

Մեր լեռներում հայկական
Նոյան տապանն է հանգչել,
Իբրև թագ ազատության
Մասյաց ճակատն պսակել:
Եղի՛ր սարիդ պես հպարտ,
Համբերատար և ուշիմ,
Ժամն է ահա արարման,
Կյանքովդ կյա՛նք տուր գալիքին:

Հունվար 1989

Լալիս եմ անվերջ, արցունքս է արյուն,
Կապանք է դրել ցավը իմ սրտում,
Ձեռքերս ու ոտքերս ինձ չեն ենթարկվում,
Իմ սրտի խորքում վիշտն է մորմոքում:

Որքա՞ն մանուկներ անմեղ զոհվեցին,
Հազար-հազարներ անհետ չքացան.
Նենգ թշնամու պես, գողի պես եկար,
Մեր ծաղկուն ստանն արիք քար ու քանդ:

Սրտիս խորքում վիշտ սերմանեցիր դու,
Երիկամներս անհագ կրծեցիր,
Ծանկոեցիր աղիքս ու գալարեցիր,
Աղե՛տ, մեր տան մեջ դու ան սփռեցիր:

Այս արհավիրքից վիրավոր հոգուս
Դու ձգտում, տենչանք անեզր ու անհաս.
Ո՛վ մխիթարանք, երկնատա՛ք օրհնանք,
Իջի՛ր իմ վրա գերթ բարեգութ ձեռք:

28 դեկտեմբեր 1989

1 9 8 9

Տասնյակ հազար մարդ թաղեցի,
Սզավոր եմ ու վիրավոր,
Որքա՞ն պիտի ես լաց լինեմ,
Արցունքներովս ծովեր լցնեմ:

Ես ո՞ւմ պիտի վիշտս պատմեմ,
Ես՝ վշտաբեկս ու տնավերս.
Չունեմ ոչ ոք, որ ինձ լսի,
Դարման գտնի, ցավն այս բուժի:

Կշտացե՛վ է երկիրն հաջոց
Արյուն, արցունք, մահ տեսնելուց,
Աշխարհս դարձավ մեծ գերեզման,
Հազար խաչքար ո՞նց կառուցեմ:

Տարին մի՞թե հեշտ գլորվեց,
Որքա՞ն սուգ, վիշտ մեր վրա թափվեց.
Ծառեր փախան, չդիմացան,
Քաջերն հողից չհեռացան:

Բայց դառն օրերն այս կավարտվեն,
Կգան օրեր ուրախության,
Նորից երգ ու պար կհնչի,
Աղբյուրներից գինի կհոսի:

30 դեկտեմբեր 1989

Բաքվի հայ զոհերի հիշատակին

Սի՛րտ իմ, ճմլվի՛ր ինչքան կարող ես,
Ամեն ճմլումից կյանքս է տրոհվում,
Ինչպե՞ս հայ լինել առանց տառապանք
Այս դառն օրերին, սի՛րտ իմ, ճմլվի՛ր:

Արյուն է կաթում ճմլումից, ցավից,
Այս որքա՛ն ծանր է, Աստված իմ, բա՛վ է
Ցավի մեջ ծնվել, ցավով մեծանալ,
Ոստիսի սրով կյանքից հեռանալ...

Այս ցավի դիմաց, սի՛րտ իմ, դիմացի՛ր,
Մեր կյանքը վաղուց վշտով է հյուսվել:
Ա՛զգ իմ, մեծացի՛ր, զորացի՛ր, ծաղկի՛ր,
Ցավն այս նվաճի՛ր, անվհատ ապրի՛ր:

— Չէ՛, ես չեմ մեռնի թշնամու Յեդուով,
Ես կապրեմ երկար, միշտ արարելով,
Վիշտ ու ցավի մեջ ծաղիկ փնտրելով,
Հույսի թևերով երկինք թռչելով:

21 հունվար 1990

Փշերի միջից նոր ծաղիկ բացվեց,
Սիրտս ազագուն նոր կյանքով լցվեց,
Մերը՝ հաղթական սրտերում ծաղկեց,
Երկիրն իմ հաշկյան սիրով ողողվեց:

Որքան թանկ ես դու, ո՛վ արդարություն,
Առանց քեզ չկա մեզ դադար ու քուն,
Օրհնությո՛ւն հավետ սեր սերմանողին,
Սեր պարգևողին, սեր քարոզողին:

Որքան վատ ես դու, ո՛վ ատելություն,
Փուշ ես ու տատասկ, չբեր անապատ,
Տոչորող տապ ես, մահու ուրվական,
Գնա՛, հեռացի՛ր դու շեմքից մեր տան:

Ատելության տեղ թող ծաղկունք բացվեն,
Քաղցր բուրմունքով աշխարհը լցնեն,
Երկիրն իմ ծաղկի օրհնությամբ անանց,
Խաղաղություն գա գերթ երկնային գանձ:

31 հունվար 1990

ՀԱՐՈՒԹՅՈՒՆ

«Այսօր յարեալ ի մեռելոց փեսայն անմահ»

(Շարական)

Այսօր դու մահին մահվամբ հաղթեցիր,
Գերեզմանից գերթ ծաղիկ ծաղկեցիր,
Խավարի, չարի ահը ցրեցիր
Եվ քո հարությանը նոր կյանք մեզ տվիր:

Հուսով՝ հուսահատ մեր սիրտը լցրիր,
Խավարն իմ հոգու լույսով վանեցիր,
Կորույալներին գտար, տուն բերիր,
Փրկության ուղին մեր առաջ բացիր:

Այսօր մեղապարտ Ադամը վերցրիր,
Կորստյան գութից ազատագրեցիր,
Լույսի խորանիդ լուսարար դարձրիր,
Մեռյալին, ողջին քավություն բերիր:

Դու Աստվածորդի, մարմնացյալ դու սեր,
Արդար քո արյամբ մեղքն իմ լվացիր,
Փրկության ջահը մեր մեջ վառեցիր
Եվ քո հարությանը նոր կյանք մեզ տվիր:

29 Մարտ 1991

Հույս կենարար

Փշում է քամին աշնան,
 Ծառ ու ծաղիկ տրորում,
 Թափում արցունքի նման
 Դալուկ, անկյանք տերևներ.
 Սուլում ուժգին, մահագույժ
 Ուննոցի պես գայլերի,
 Սարսուռ ու դող սփռելով
 Փողոցներում ամայի:

Ռքա՛ն ամպեր են եկել,
 Մեր երկիրն են սքողել,
 Ջյուն ու բուք է լեռներում,
 Ջմռան ցուրտն է ցած իջնում.
 Դողում են թուփ ու ծառեր
 Ջմռան ահից ազագուն,
 Ջուր է շողում, հուսադրում
 Վատուժ արևն երկնքում:

Քամու շնչից այս աշնան
 Տխրություն է սփռվել
 Մեր աշխարհում, մեր սրտում...
 — Հո՛ւյս իմ, դու չե՛ս թառամել...
 Երբ լցվի գարնան տենդով
 Սիրտը մեր, նոր եռանդով
 Ծնորհների շոալի՛ր,
 Երազն կյանքի դու կոչիր:

10 հոկտեմբեր 1989

Հողմերի մեջ ենք ծնվել,
Հողմերից ենք հար ծեծվել,
Ճյուղակոտոր, շանթափար,
Տերևաթափ ենք եղել:

Կիսել են մեզ երկուսի,
Որ թուլանանք ու մեռնենք,
Չեն իմացել՝ հին կաղնի
Իր արմատովն է հաստատ:

Փետրվար 1989

Մի վանք լինե՛ր՝ հեռանայի
Եվ առանձին աղոթեի,
Աշխարհն ամեն մոռանայի,
Ներքին աշխարհս որոնեի:

Մարի լանջին, պուրակի մոտ,
Մի հին վանքում ծվարեի,
Առավոտյան աղոթեի
Եվ օրն ի բուն աշխատեի:

Մոտի առվից ջուր բերեի,
Ծառ ու ծաղիկ անեցնեի,
Քրտինքս արդար ես թափեի,
Շիլ ու ծաղկին նոր կյանք տայի:

Երեկոյան՝ խոնջած, դադրած,
Աղոթարան ես մտնեի,
Մոմի նման բոցկլտայի,
Լույս սփռեի, սպառվեի:

Աղոթատան մեջ վերացած՝
Տե՛ր, սրբությանդ ես ձգտեի,
Մեղքերս այնտեղ թոթափեի
Եվ անխոով գիշերեի:

Վանքի կշտին, մի տաք անկյուն
Թող քաշվեի ու քնեի,
Երագիս մեջ Աստվածամոր
Լուսն դեմքը վայելեի:

3 մարտ 1989

Կավից շինված ճրագ ես, ո՛վ մարդ,
 Հավատն է քո պատրույզին՝ ձեթ.
 Քեզ շնորհված այս Սուրբ Հոգին
 Կայծ է անմար ճրագի շրթին:

Պահի՛ր անոթն այդ անաղարտ
 Եվ հավատիդ ձեթն՝ անարատ.
 Հողմերը թող չհանգցնեն
 Լույսը կյանքի՛ կայծը ճրագի:

16 հունիս 1989

Հորիզոնից հորիզոն
 Հասուն արտերս են ծփում,
 Նազպար անում, օրորվում
 Քանու շնչից սրսփում:
 Բարկ արևից են ըմպել
 Հրդեհն իրենց ոսկերանգ,
 Մեր հողերից են ծծել
 Ավիշն իրենց կենսատաք:

Հորիզոնից հորիզոն
 Հասուն արտերս են նիրհում՝
 Օծված լուսնի արծաթով,
 Գլուխն իրենց խոնարհում.
 Մինչ հասկերի կատարին
 Ծաղն է իջնում լուսերանգ,
 Հարբել են հասկերս ստոք՝
 Ծաղով, շողով վաղորդյան:

Եվ որաներս հանդերում
 Փունջ-փունջ կանգնել են հերթով,
 Կալում պիտի տրորվեն,
 Դառնան ոսկե հատիկներ:
 Լույս ձեռքերով աղջիկներ
 Նաշին դարձնեն աղալով,
 Որ չպակսի իմ երկրի
 Օրհնյալ հացը սեղանի:

23 օգոստոս 1989

Սուրբ է հողը հայրենի,
Արդար՝ բերքը իմ հողի:
Որքա՛ն արյուն է թափվել,
Հողն իմ կյանքով շաղախել,
Որքա՛ն քաջեր են զոհվել,
Մեր սուրբ հողին միացել:

Պիտի ձուլվես ու հալվես,
Օտար հողում չքանաս:
Եթե հողիդ չկապվես,
Հայրենիքդ չսիրես:
Թե աշխարհն էլ նվաճես,
Անհայրենիք չմնաս...
Հավերժ կարող ես ապրել՝
Սերտ կապվելով հողիդ հետ:

Միրի՛ր հողը հայրենի,
Մի՛ լքիր այն ու փախչիր.
Նա՛ է պսակն ստանում,
Ով սիրում է, պայքարում:
Առանց հողի ո՞վ ես դու...
Հողը մայր է կենսատու...

19 սեպտեմբեր 1986

Ճնորհակալ եմ քեզանից հավետ և երախտապարտ,
Որ իմ մեջ դեռևս մանուկ հասակից սերմանեցիր դու
Սերը ճշմարտին, երկյուղն Աստուծո՛ւ,
Օրհնել ուսուցիր՝ անիծելու տեղ,
Աղոթքի կանգնել, որ երբ կամենամ, հաղորդվեմ, խոսեմ
Իմ արարչի հետ:

Մեր սերմանեցիր իմ մատաղ հոգում՝ փոխարեն քեզի և ատելության
Ու վստահությունն ներշնչեցիր ինձ՝ փոխան կասկածի,
Օգնել ուսուցիր՝ խարդախ լինելու, գողանալու տեղ,
Գութ ու կարեկցանք՝ փոխան մախանքի,
Հույս ներշնչեցիր՝ անհուսությունը դիմագրավելու:

Աղքատության մեջ ինքնասիրությամբ թրծեցիր դու մեզ,
Գոռոզության տեղ՝ մեզ համեստությունն ուսուցանեցիր,
Ջոհաբերության ոգի տվեցիր՝ փոխան անհագուրդ
Ընչաքաղցության,
Փորձության պահին պատվախնդրությունն դու ներշնչեցիր:

Նեղության առաջ սովորեցրիր մեզ շրջակել բնավ,
Բարկության պահին՝ լինել համբերող և անհիշաչար:
Իմ անձն կավիճն ձև ու կերպ տվիր առաքինական,
Այնպես, ինչպես դու ստացել էիր քո ծնողներից:

Ինձ դարձրիր անոթ վերին կոշունքի սպասարկության,
Վառեցիր իմ մեջ ջահը հավատի հանդեպ Արարչի և հայրենիքի՝
Սիրելու ազգն իմ, հարազատներն իմ, լույս ու աշխատանք:
Քեզ բյուր օրհնություն, գոհ եմ Տիրոջից, որ եղել եմ ես
Քո իսկ զավակը և քո միջոցով ծնվել եմ տանջված,
Բայց խաղաղասեր, բայց խաղաղարար իմ ազգի ծոցում:

Եվ ես, որպես հայ, իմ ծնված օրից քեզ հետ և բազում
Ազգակիցների,
Բռնադատվել եմ ճաշակելու միշտ դառնություն ու վիշտ,
Դրանով էլ հենց արժանանալով մեծագույն պատվին՝
Դառնալու խոնարհ չարչարակիցը բյուր չարչարանաց
Հիսուս Քրիստոսի:

4 նոյեմբեր 1989

ՏԻՐԱՄՈՐԸ

Դու քանի՜ անգամ իջար Հայաստան,
Տնից տուն մտար մեզ այցելության,
Դեմքդ աստվածային բացիր հայության,
Ծունջ պարզեցիր մխիթարության:

Ասիր՝ լքված չէ փոքրիկ հոտն հայկյան,
Ժպիտով թախծոտ, մոր գուրգուրանքով
Ապրեցիր մեզ հետ՝ տիրուհի մեր տան,
Եկանք քեզ ի տես սիրով, կարոտով:

Ծառեր գրկաբաց քեզ ընդունեցին,
Ունանք կասկածով քմծիծաղ տվին,
Դու ջերմ մայրական գի՛րկ արարումի,
Օրհնա՛նք երկնային, հու՛յս սպասացի:

Ցավ ու մորմոքի, շփոթի պահին
Իջար երկնքից, մա՛յր գորովագին,
Հույս ներշնչեցիր, սիրուցդ սեր տվիր,
Բեկբեկված սրտերն նոր կյանքով լցրիր:

Սուրբ կույս Մարիամ, մա՛յր արարչության,
Մշտաբառ կանթեղ, պայծառ, կենսալի,
Աստղերից իջած ձե՛ռք կարեկցանքի,
Մեր վշտին, ցավին դու դեղ ու դարման:

Դու նորից իջար երկնից Հայաստան,
Ունաճեցրեցիր միածին Փրկչի,
Վերստին բերիր մեզ հույս հարության.
Հնչեցե՛ք, զանգե՛ր, տո՛ն է արարման:

16 դեկտեմբեր 1989

ՄՈՍԿՈՎՅԱՆ ՄՏՈՐՈՒՄՆԵՐ

Մոսկվան է այստեղ, փառահեղ, շքեղ,
Կրեմլն է բազմել գետի եզերքին,
Հնգաթև աստղեր կարմիր ճաճանչով
Փորձում են ծածկել ուկե գմբեթներ:

Գմբեթներից վեր խաչեր վեցթևյան՝
Ջերթ սերովբեներ իջևող երկնքից,
Թևեր տարածուն՝ գրկելու մարդկանց
Հույսի ներշնչման, միփթաբույրյան:

Հիշի՛ր, ո՛վ անցորդ, դեռ մոտ անցյալում
Խաչերի վրա մարդ էին գամում,
Բանտում, արտորում, ա՛նարգում, մորթում,
Իսկ արդ խաչողին խաչն է սպասում:

Այս դամբարանում Լեհիճն է ննջում.
Ինչպե՛ս անցավորն անանց է դառնում.
Ոմանց պատմությունն է արդարացնում
Եվ ուրիշներին՝ անարգ սբան գամում:

Երեք ճամփա կա կյանքում ապրելու.
Մին՝ ճամփան անկիրք անտարբերության,
Մյուսը՝ ճանապարհ շահատակության,
Վերջինն է ճամփան զոհագործության:

Մեր կյանքում ոչ ոք շահատակությամբ
Չի կարող հասնել գահի անասան,
Կանչն արդարության է հավերժական,
Պատիժ կգտնի վատը անպայման:

.8 հունվար 1990

ԿԱՆՉ ԱՐԴԱՐՈՒԹՅԱՆ

Հսկաներն այսպես հանկարծ են ընկնում,
Պատվանդանի տակ իրենց գլորվում,
Ի տես գլորման պապանձրվում են,
Վերհիշում նրանց հոխորտանքն անասնձ:

Խորհում, չափում են, զարմանքով ասում.
— Փառքը ամպի պես սին է ու թեթև,
Չվում, ցնդում է ու հետք չի թողնում:—
Ամպը ամպի մեջ էլ չի պարփակվում:

Անարդար ճամփով և խարդավանքով
Փառքի դափնին թանկ խրոզներն ամեն
Վաղ թե ուշ կընկնեն գերթ աշնան տերև.
Աշխարհում չկա էլ նրանց փրկող:

Տե՛ս, այս օրերին քանիճե՛ր ընկան,
Ու քանիճե՛ր նենգ դեռ պիտի ընկնեն.
Մարդկության արյամբ բոլոր սնվողներն
Ապրել չեն կարող, անիծապարտ են:

Արյունը արդար անմեղ զոհերի
Իր թափված տեղում ետում է, պոռթկում.
Մի օր այդ արյան ճիչն է լսվելու,
Աշխարհն ցնցելու կանչը վրեժի:

Լսի՛ր ուշադիր կանչը դու խղճի...

2 փետրվար 1990

Մեկ գիշերվա մեջ այսքան ծաղիկներ
 Ձերթ ճերմակ թիթեռ ճյուղերին թառել,
 Ծառերս ծիրանի հարսեր են դարձել՝
 Գույնով ու բույրով համակ հրապույր:

Ճանապարհների, դաշտերի եզրին
 Նրանք կանգնել են՝ ասես ծաղկեփունջ.
 Իր լայն թևերով գեփյուրն է բերում
 Խունկ ու կինամոն, բուրմունք զգլխիչ:

Գարնան ծաղկունքով, ծիրանի ծաղկով
 Վիշտս մոռացել, դաթձել են գինով.
 Արդյոք ե՞րբ պիտի նոր գարուն բացվի
 Ծոցում հայրենի իմ ժողովրդի:

Ո՞վ արդյոք պճնեց այսքան անթերի
 Հայոց աշխարհի ծառը ծիրանի:

12 ապրիլ 1990

Ուրախ եմ անչափ, որ տուն եմ դարձել,
 Վերադարձել եմ կարոտով անհուն,
 Ծանոթ ջերմությամբ իմ սիրտն է լցվել,
 Երանության մեջ եմ ես թևածում:

Աշխարհ եմ շրջել, օվկիանոսներ կտրել,
 Հարազատ մի վայր քեզ պես չեմ գտել,
 Քանի՞ դռներ եմ, շփոթ, ես թակել,
 Բայց միշտ հուսախաբ՝ քե՛զ վերադարձել:

Ծովերն աշխարհի իրար են նման,
 Լճեր, անտառներ, գետեր ու ձորեր,
 Ամեն ինչի մեջ ես քե՛զ եմ փնտրել,
 Օ՛հ, դու ուրիշ ես, չկա՛ քեզ նման:

Այս ի՞նչ կարոտ է ինձ միշտ տուն կանչում,
 Միթե կա՞նչն է սա հողի, պատմության,
 Որ հասնելով ինձ աշխարհի ծայրում՝
 Չարչարյալ... օրհնյալ իմ տունն է բերում:

19 մայիս 1990

Զանգակի նման հնչում է անվերջ
Իմ սրտի խորքում, գիտակցության մեջ,
Մոր կանչի նման աղու, սրտալի,
Կանչը իմ հողի և ժողովրդի:

Նյու Յորքի նման հրաշք քաղաքում
Ես չունեմ հանգիստ, և՛ բուն, և՛ դադար,
Անվերջ ձգտում է իմ հոգին դեպ քեզ,
Ուզում է լինել գրկում քո խոով:

Խոովքի մեջ ես, չունես դու հանգիստ,
Երկի՛ր Նաիրյան, վիրավոր, ցավոտ,
Արդյոք ե՞րբ պիտի առավոտ բացվի,
Գիշերն այս դառնա օր արարումի:

11 մայիս 1990

Հիվանդ ես դու ու վիրավոր,
Քո կրծքի տակ ցավն է ծվարել
Եվ կրծում է, գերում անվերջ՝
Օրբստօրե հյուծելով քեզ:

Դու սիրում ես կյանք ու վայելք,
Խի՛նդ ու ծիծաղ, լավ ընկերներ,
Ցավիդ խորքում հուսահատ չես,
Հույսն է քեզ լիցք, եռանդ տալիս:

Առանձնության պահին սակայն
Հուսալքվում, թառամում ես,
Ծանր վիճակդ ես հասկանում,
Լալիս, հիշում օրերդ հին:

Դու վիրավոր, քաղցրիկ թռչնիկ,
Լույս թևերդ խանձրվել են,
Էլ չես կարող ճախրել երկինք,
Ո՞րք ես, հրա՛շք, ե՛կ, հարուցի՛ր:

12 մայիս 1990

Արձակի՛ր քո ծառային
Կապանքներից տևական,
Ոսկի վանդակն իմ փշոփ՛ր,
Հզոր թև՛ տուր թռչելու:

Թրթուրի պես հյուսեցի,
Մետաքս խոզակ կապեցի
Ու իմ շինած պատյանում
Ես ինձ հավետ բանտեցի:

Այժմ ոչ մի ելք չունես,
Մոլորվել եմ, շփոթվել,
Հույսի լաստերս անգամ
Ալքերի մեջ եմ կորել:

Սրտիս վրա ծանրացած
Այս ի՛նչ վիշտ է, Տե՛ր Աստված,
Ոչ ոքի չեմ մեղադրում,
Մեղավոր եմ, գիտեմ ես:

13 մայիս 1990

Ովքեր սուր են վերցնում, սրով կընկնեն:

Մատթ. 26. 52

Ձենքդ վա՛յր դիր դու, էլ մի՛ բարձրացրու,
Երբեք մի՛ դարձիր եղբայրասպան դու.
Ձենք բարձրացնողը գենքով էլ կընկնի,
Ի՞նչ է օգուտը քո բռնած գեների:

Երբ թշնամին է ձգտել մեզ գերել,
Մենք պայքարել ենք, անվերջ ճակատել,
Մեր ազատության ճամփան հարդարել,
Մեր տան պատիվը փառքով պաշտպանել:

Ոսոխը երբեք, երբե՛ք չի կարող
Մեր կամքը փշրել, մեզ ստրկացնել.
Բավ է, որ սիրենք հողն այս սրբազան,
Անցյալի փորձով կերտենք ապագան:

Հիմա պայքար է համայն աշխարհում,
Թե ով կատեղծի նոր կյանք սխրալի.
Իմաստուն լինենք, երկիրն այս պճենենք,
Դրախտ դարձնենք մեր հողն հայրենի:

Ձենքդ վա՛յր դիր դու, էլ մի՛ բարձրացրու,
Ձենքի փոխարեն մի՛տքդ զորացրու,
Քո բարօրության համար դու տքնի՛ր
Եվ աշխատանքում միշտ հաղթո՛ղ եղիր:

Եթե ոսոխը ձեռքն իր բարձրացնի,
Մեկ մարդու նման դեմ կկանգնենք մենք,
Մեր հավատն ոչ ոք չի կարող փոխել,
Մենք մեր հավատով ենք վերածնվել:

Քաջերը բնավ նախ չեն հարձակվում,
Հանդարտ են գործում և չեն այլալվում.
Լեռներիդ նման խաղա՛ղ եղիր դու
Ու ձորերիդ պես՝ գաղտնապահ ու խոր:

20 մայիս 1990

ՆՈՒՆԵՆԻՍ

Առավոտյան նոճենիս
Արևից շող է ըմպել,
Երկնի անթիվ աստղերից
Կայծ ու կրակ ստացել.
Տերևներում մուգ-կանաչ
Հազար լապտեր է վառվել,
Ո՛վ է թաքուն լույս սիռել
Նոճենու մեջ զանգրափեր:

Բարկ արևից երկնքի
Նա իր ավիճն է ըմպել,
Կարմիր, բուսոր ծաղիկներ
— Մեկ-մեկ հրդեհ, մեկ-մեկ կայծ—
Թաքուն գիշերվա մթնում
Աստղերից են, տե՛ս, պոկված
Տոճածստ է նոճենիս՝
Գարնան քրքում մեղեդի:

Պիտի հրդեհն այս դառնա
Հյութեղ պտուղ երկնային՝
Պարփակած իր պատյանում
Մի ողջ աշխարհ կենսատու:
Հող ու ջրով իմ երկրի
Նոճերս հասուն, կարմրաթուշ,
Աշնան բերքի հավաքում
Դառնան զարդեր սեղանի:

7 հունիս 1990

ՎՇՏԻՑ՝ ԲԵՐԿՐԱՆՔ

Մանրութներով կյանքի դու քեզ մի՛ խեղդիր,
Անհուսության մեջ էլ մի լույս կա, գտի՛ր,
Տառապանքը թեև կրծում է հոգին,
Բայց տեղ բացում երջանկության խորհրդին:

Սիրո վիշտը կամ հաճույքն է նույնքան խոր,
Անձանոթի տված անեծքն է անզոր,
Իսկ սրտակցի աղթած ցավը՝ անավոր,
Քաղցր խոսքով, մի մեղմ ժպտով փարատվող:

Երբ հատնում է ձեթը սիրո ճրագում,
Մխում է այն, առկայծում ու խավարում.
Թող չսպառվի ձեթը սիրո մեր սրտում,
Որ չկորչեն խավարի մեջ դրախտներ:

Այս աշխարհում սերն է հավերժ տիրական,
Աղբյուր է նա երջանկության, հաշտության,
Սիրո պայծառ, լուրթ երկնքում են ծնվում
Հույսի աստղեր, ծիածաններ բազմազան:

Մանրութներով կյանքի դու քեզ մի՛ խեղդիր,
Տառապանքի՛ մեջ էլ մի լույս կա, գտի՛ր...

5 հուլիս 1990

ՍՊԱՍՈՒՄ

Ինչո՞ւ քեզ եմ սպասում,
Որ էլ լինեմ աշխարհում:
Աչքերս հառել եմ հեռուն
Հորիզոնին՝ հուսավառ:

Դու ամպերի՞ց ես գալու,
Թե՞ լեռներից ձյունառատ,
Վստահ եմ, գալու ես դու
Ասուպի պես լուսացալտ:

Ես միշտ պատրաստ պիտ լինեմ
Քո գալստյան դիմավոր,
Ու նոր կյանքով պիտ լցվեմ՝
Փառքիդ շողքով լուսավոր:

27 հուլիս 1990

Ս Ֆ Ի Ն Ք Ս

Ո՞ւմ ես արդոյք սպասում՝
Երկար դարեր դու նստած
Ծամփաների բերանում,
Հսկող, դիտող դու քանդակ:

Հողմերի՞ն ես սպասում՝
Թե՛ծ արևից բռնկված,
Թե՞ ժամանակն ես չափում,
Ողջոյն առնում արևից:

Երկար դարեր են անցել,
Դու նստել ես անվհատ,
Քանի՛ հազար դու ուղտեր
Եվ քարավան ես հաշվել:

Դու նստել ես ճամփեքին
Լուռ ու խոհուն հայացքով,
Ժամանակն է քո դեմքին
Քսվում, գնում հաւրճեպով:

Հրդմ ու անձրև քեզ շոյում,
Ծակտիդ կնճիոն են սրբում,
Ժամանակի դու վկադ,
Հող ես դառնում աննկատ:

26 սեպտեմբեր 1990

ԵՐԳ ԱՐԵՎԻ

Դաշտերիս անձայր՝ մտախուղ իջավ,
Չկա հորիզոն հայացքս ուղղելու.
Ի՞նչ սահմանափակ աշխարհն է դարձել
Հնքն անգամ հոգոս կարծես է հանգել:

Տառապանքն եկել, արևս է ծածկել,
Ես՝ արևատերս, մոայլ եմ դարձել,
Բացե՛ք, դուրս հանեք մոայլը հոգոս,
Ես արևս կուզեմ, արևս քաղցրատես:

Հոկտեմբեր 1990

ԵՐՈՒՍԱՂԵՄ

Իմ հավատի օրրանն ես դու, Երուսաղեմ,
Իմ երգերի թռիչքն ես դու, Երուսաղեմ,
Հող տիրակոխ, Տիրոջ աչքով դիտված քաղաք,
Երուսաղեմ, Երուսաղեմ երկնաքաղաք:

Ի՞նչ բառերով գեղեցկությունդ գովերգեմ.
Ամեն մեկ քար, ամեն անկյուն սուրբ է այնքան,
Իմ հույզերի ծովն եմ ընկել՝ թովված քեզ՝սով,
Ես՝ երանկալս, քայլում եմ քո փողոցներով:

Ի՞նչ փույթ, սակայն, եթե մարդիկ չեն ըմբռնում
Քո արժեքն ու սրբությունը, Երուսաղեմ,
Իմ հավատի աղբյուրն ես դու հավերժահոս,
Երուսաղեմ, դու հարության հույսի՝ փարոս:

29 սեպտեմբեր 1990

Քնար Հովվական

ՀՐՈՎ ԱՆՄԱՀ ՎԱՐԴԱՆԱՆՑ

«Ոգի առաւել է քան զմարմին»
(Ավետարան)

Ոգին անմահ Վարդանանց
Ծրկար դարերի խորքից
Զերթ անթեղված հուր առկայծ
Նոր բոցով է ճառագում:
Բազում դարերի խորքում
Նա չի հանգել, սպառվել,
Այլ մեր կյանքից անբաժան՝
Իբրև նշխար մնացել:

Նահատակներն Վարդանանց
Կյանքից կյանքի են կոչվել,
Մահվամբ մահվան են հաղթել
Իրենց արյան հեղումով,
Դարերի հետ սրբացել,
Զերթ ադամանդ են փայլել,
Ոգու աղբյուր են դարձել,
Մերումդներին կյանք տվել:

Վատը երկար է փորձել
Զնջել ազգն իմ հպկազյան,
Մեզ անվերջ է կողոպտել,
Մեր կայքն ու ինչքն է կորզել,
Քիչ անգամ է հաջողվել
Նրան՝ ընկճել Հայ հոգին:
Մարմնի մահվամբ չենք մեռնի,
Ոգու մահն է սուկալի:

Մեր ճախճիներն ասել են՝
— Ոգու հուրն է կարևոր,
Քան կրակը բորբոքվող—
Հուրը հոգու ոգեղեն
Սրից ավել է կտրուկ,
Հարդանանք մեր քաջարի
Հոգու հրով շիշուցին
Հուրը Մազդեզ հավատի:

Ավարայրի ճակատում
Հազար և երեսուն վեց
Հայ մարտիկներ զոհվեցին,
Մեր հողն արյամբ ներկեցին,
Ապա շատեր աքաղի
Դառըն ճամփից քայլեցին,
Հայրենյաց փառքի հառար
Իրենց կյանքը մատուցին:

Քաջերի հետ զոհվեցին
Հայոց տիկնայք փափկատուն,
Որախոթյամբ միացան
Ավարայրի քաջերին:
Տառապանքով մարմնական
Ոգին իրենց ամրացրին,
Դարձան զոհեր գիտակից
Արթոց մեր պաակակից:

Վարդանանք մեր դեռ կապրեն,
Թեև մարտում զոհվեցին,
Քաջի ոգին չի մեռնի,
Աղբյուր է նա նոր կյանքի:
Քանի՜ անգամ իր կյանքում
Հայոց ազգն է պայքարել,
Իր սրբությանց պահպանման
Համար արյունն իր հեղել:

Այժմ արի հայկազունք
Աշխարհի չորս ծագերում
Ոստիսի դեմ են կռվում
Ավարայրի Նոր դաշտում:
Դարավոր ա՛զգ իմ հայկյան
Նոր ակունով Վարդանյան
Իջի՛ր անվախ Ավարայր,
Նախնյաց փառքով պսակվիր:

7 փետրվար 1991

ԱՌԱՎՈՏ ԼՈՒՍՈՒ

Առավոտյան արևի պես
Քո օրհնությունն առատ լինի,
Լեռ ու հովիտ լցվեն ծաղկով,
Դաշտ ու անտառ՝ առատ բերքով:

Առավոտյան օդի նման
Կյանքը դառնա քաղցր ու բարօր,
Մարդիկ ապրեն եղբայրաբար՝
Իրար բարին միշտ կամեցող:

Առավոտյան լույսի նման
Իմաստության լույսը բացվի
Ամեն տնում, ամեն հոգում,
Մարդիկ դառնան ազնիվ, բարի:

Խաղաղության լույս թող ծագի
Մեր աշխարհում, մեր սրտերում,
Առատորեն թող բաշխվի
Աստվածային սեր, օրհնություն:

17 օգոստոս 1991

ԱՇՆԱՆԱՅԻՆ

Աշնան բերքով ծանրացել,
Նոնենիս է կռացել,
Ծանր թևքերն իր կախել:
Բազում շուպլ գույներով
Տերևներն է իր նախշել,
Նոր զգեստ է նա հագել:
Հովն է զվարթ թափառում,
Նոներս օդում օրորում,
Կարմիր վառվող լապտերներ,
Լույսեր՝ կաթող երկնքից:

Երկնի շուպլ շողերից
Հյութ է խմել ու հարբել,
Լույսի պարփակման խինդից
Նա իր կուրծքն է պատատել:
Կարմիր-բոսոր հակինթներ
Խումբ-խումբ շարվել են հերթով,
Հասուն հյութեղ ցուլքերով:
Ո՞ր քնքուշ ձեռքը արդյոք
Մարգարիտներ հավաքել,
Նոնենուս մեջ է շարել:

10 սեպտեմբեր 1991

ՈՂՈՐՄԱԾԱՑ ԵՐԱՆԻ

Այս աշխարհում ողորմածն է երջանիկ,
Ունեցածն իր նա բաշխում է բոլորին,
Ծանոթին ու անծանոթին է օգնում:
Ունեցածից թաքուն կերպով բաժանում:

Կիսում է նա նույնիսկ պատսոն իր բերնի,
Լքված, անտեր, անտուն մարդուն խնամում,
Հոգով թեթև՝ փառք է տալիս Արարչին,
Որ ինք դարձավ միջոց բարու տարածման:

Ողորմածի ձեռքը բնավ մի՛ բռնիր,
Մի՛ արգելիր, որ նա օգնի՝ ում կամի,
Մենք չգիտենք կարգը կյանքի բնական,
Ողորմությամբ՝ ողորմություն են գտնում:

Ողորմություն ու գթություն տարածի՛ր,
— Գալիք կյանքի խավար բավիղն ո՛վ գիտե—
Որքա՛ն դավ ու արհավիրք կա մեզ պահված,
Բարիք արա, որ դու բարո՛ւն հանդիպես:

Հիշի՛ր, մի օր ողորմած մի ձեռք բարի
Նեղ օրերիդ օգնել է քեզ ու փրկել:
Քո՛նն է հերթը ողորմության, ողորմի՛ր,
Չքավորին, խոնարհվածին ձե՛ռք մեկնիր:

Միակ գթածն ու ողորմածն է Աստված,
Ինչե՛ր է նա մեզ պարգևում գաղտնաբար,
Եթե կամիս քո արարչին նմանվել,
Փորձի՛ր նրա կյանքի ուղուն հետևել:

Խ Ն Դ Ր Ա Ն Ք

Գետաշենի և Մարտունաշենի անմեղ
զոհերի անթառամ հիշատակին:

Խորքում գիշերվա, մի մոմի լույսով
Ծնրադրել եմ քո խորանի առաջ,
Աղոթում եմ ես, անվերջ պաղատում,
Հիշում զոհերին ջահել ու ջիվան:

Արցունքն աչքերիս ակում չորացավ,
Սիրտս զգայուն անզգա դարձավ,
Թոհչքն իմ հոգու կրծքումնս բանավեց,
Կանչը աղերսի կոկորդումս խեղդվեց:

Բառերըս անգամ դարձան անհիմաստ,
Ծփոթվել եմ ես, դարձել եմ խելառ.
Խոսքերն աղոթքիս դարձան կցկտուր,
Կորցրել եմ ես նպատակ, իմաստ:

Որքա՛ն, դեռ որքան դու թույլ պիտի տաս,
Որ բզկտեն մեզ գայլերն անհագուրդ,
Հոտիդ պահապան հովիվներն անզամ
Դարձան վիրավոր, ընկան ու կորան:

Ե՛րբ պիտի դարձնես մեզ դեմքդ հույսի,
Ծողբովդ զարդարես մեր հոգին մուսլի,
Ե՛րբ պիտի արդյոք քո իմաստությամբ
Պճնես մեր հոգին, պարզես կորով:

Քե՛զ եմք սպասում անհամբեր հույսով,
Չգալու դեպքում գեթ շփոթեցրո՛ւ՝
Մեր նենգ թշնամուն, տա՛ր նրա՛ն հեռու,
Մենք ձանձրացել եմք սուգ, մահ տեսնելուց:

Եվ նրանց, ովքեր գործիք են չարին,
Կամ չարն է նրանց արծաթապատել,
Իմաստություն տուր, տուր զգաստություն՝
Հասու դառնալու իրականության:

Աշխարհն ողջ գիտե, որ երկրագնդում,
Հակառակ գործող հազար դավերին,
Հակառակ բոլոր բռնություններին,
Արդարությունն է միշտ հաղթանակում:

22 մայիս 1991

ՍՈՒՐԲ ՀՈԳԻ

Հողի նման օրհնվես դու անձրևներով,
Երկրի նման ծաղկազարդվես գարնան շնչով,
Բարիքներով բյուր, երկրագին առատանաս,
Գեղեցկությամբ աստվածային պայծասանաս:

Դառնաս արև լուսապայծառ մեր աշխարհում,
Հույս տարածես հուսահատված հոգիներում,
Երդիկ դառնաս անտուն-անտեր լքվածներին,
Կենաց մեղրով դու քաղցրացնես քիմքը խեղճին:

Մոլորյալին, սխալների բարդույթի մեջ
Խճրճվածին ազատագրես կապանքներից,
Աղբյուր դառնաս ուրախության հուսահատին,
Թևեր դու տաս ազատության ձգտողներին:

17 փետրվար 1991

ԲԱԺԱՆՈՒՄ

Բաժանումի այս պահին
Սիրտս հանդարտ կարյունի.
Կապը անխախտ միության
—Այս օրերում ամրացված
Կարծես անտես ձեռքերով—
Թուլանում է, քանդվում.
Վշտի ալիքն է ելնում,
Աչքերիս արցունք դառնում:

Առանձնապես ոչ ոքի
Ես չեմ սիրել ժողովում,
Ոգին այստեղ թևածող
Բոլորիս է պարտել,
Նույնիսկ կարծես հոգնել եմ
Երկար-բարակ խոսքերից,
Բայց սիրել եմ այն ոգին,
Որ իշխել է սրտերում:

Վերջինն եմ ես բաժանվում
Հավաքության այս վայրից,
Կարծես պարտեզն այս ծաղկանց
Հարվածվել է հողմերից,
Ավերակ է, տե՛ս, դարձել
Անգամ վրանն աղոթքի,
Սակայն ոգին միության
Աշխարհով է տարածվել:

22 փետրվար 1991

ՓՈՔՐԻԿ ՏԻԳՐԱՆՈՒՀՈՒՆ

Եղևիկի նման
Սաքերից իջած
Գեղեցիկ աղջիկ:

Դաշտերի միջին
Հազվագյուտ բույրով
Ծաղկած մի ծաղիկ:

Աչքերըդ կրակ,
Դու հուր վարդագույն,
Հրդեհ բորբոքում:

Եվ արտիդ խորքում
Անեղծ սրբություն,
Թարմություն անհուն:

28 մայիս 1991

ՇԵՆՈՐՀԱԿԱԼՈՒԹՅՈՒՆ

Հիանում եմ ես բարձրյալ Աստուծով,
Որքա՛ն կատարյալ է քեզ ստեղծել,
Մեծ Տեսանող է հաստատ նա եղել,
Որքա՛ն նուրբ ճաշակ, զգացմունք, քնքշանք:

Նա միանգամից քեզ չի ստեղծել,
Ջերթ քանդակագործ ձեռքերն ու հոգին
Համերաշխորեն է օգտագործել,
Երկար մտորել, ապա արարել:

Իր գեղեցկությամբ է քեզ զարդարել,
Կատարելության է նմանացրել,
Իր պայծառ հոգուց շող է ընծայել
Եվ քեզ զարդարել՝ պայծառակերպել:

Դու, տիպ երկնաշին, այնքա՛ն կատարյալ,
Դու լուսապայծառ մի հրաշք կերտյալ,
Արարչից բազում շնորհ ստացար,
Դարձի՛ր քո հերթին արարիչ անճառ:

14 մարտ 1991

ՎԱՍՆ ԱՐԾԱԹԻ

«Արծաթսիրտությամբ մոլեալ Յուդայ»
(Ծարական)

Օրն է հինգշաբթի, ավագ հինգշաբթի,
Ասիս մեջ ահա՛ երեսուն արծաթ,
Երեսուն դրամ Տիրեթիոս կաջարից
Ու նախորդներից ժառանգ մնացած:

Նայում եմ տխուր այս դրամներին,
Մտքով սլանում խորքը պատմության,
Որքան ցնցիչ է անդրադարձն անգամ,
Որ այս դրամով դավել է Հուդան:

Ի՞նչ է արժեքը այս արծաթների
Մեր նոր աշխարհում, մեր առօրյայում.
Անդրադառնում եմ և խորը թախծում,
Արծաթն է նորից միջոցը չարի:

Մարդիկ ներկայիս դարձած շատ ազահ,
Ազգ ու ցեղ են, տե՛ս, ազատ վաճառում,
Առանց խպճանքի, խղճահարության
Ձեռքերը իրենց արյամբ շաղախում:

Ես բողոքում եմ իմ ամբողջ հոգով
Մարդկանց դեմ տմարդ, նոր դահիճների,
Որոնք թափում են գետեր արյունի
Եվ մոռացել են օրն դատաստանի:

21 մայիս 1991

«Եւ գեղեցկացան անապատք մաքուր
կուսութեամբ»

Շարական

Լեռների լանջին, ձորերի ծոցին
Լուռ ու խոհական վանք ու անապատ.
Անբառ աղոթքներ, ուխտի կոթողներ,
Հավերժը կյանքին կապող օղակներ:

Վանք-անապատում աղոթքի թևով
Երկինք բարձրացած որքա՞ն պաղատանք,
Տեսիլքով գերված ընծա հոգիներ,
Ջերթ խունկ ծխացող գիտակից զոհներ:

Կուսական գեղով անմեղ հրեշտակներ,
Անբիծ հոգիներ երկնքին ձոնված.
Երկնաչին փառքի կոչունքին կանչված
Իմաստությամբ լի սակավ ընտրյալներ:

Բանավոր զոհեր, անընդմեջ վառվող
Ջահեր ու մոմեր՝ լույս ու սեր սփռող.
Չեր նվիրումով ու զոհողությամբ
Կյանքն իմաստնացնող անմահ վկաներ:

Ժայռերի ծոցում ծլած ծաղիկներ.
Սրբության գրկից քաղված շուշաններ,
Դուք գեղեցկություն մաքուր, անշպար,
Փոթորկուտ կյանքում հույսի փարոսներ:

25 հունվար 1991

ՃՐԱԳ ՀԱՎԱՏՈ

Տեսիլք հավերժական	5
Հավերժ երախտավորին	9
«Մի մերձենար յիս»	14
Խոհ ծննդյան	16
Սուրբ Հակոբ	18
Տիրամայր	20
Հոգևոր խոհեր	21
Աղերս	24
Քարե աղոթք	25
Աղոթք առ Էջմիածին	26
Ավագ շաբաթվա խոհեր	27
Ավանդ հավերժական	29
Առ հարուցյալն	46

ՀՈՂ ՀԱՅՐԵՆԻ

Հերոսական	49
Բարբառ հայրենի	55
Չմոռն երգ	56
Գարուն	57
Մոր արցունքը	58
Սևան	59
Մասիս	60
Բարի լույս	61
Սեր	66
Երևանին	67
Գովերգ	68
Արարատ	69
Հող հայրենի	70
Մանթաշի հովտում	71
Պանդուխտ քաջին	72

ՀՈՎՎԱԿԱՆ

Գեղարդի ճամփին	77
Հովվական	78

Իմ Աշեհին	79
Տարեքնի երգով	80
Արփայի հովտում	81
Մոլորված մեղուն	82
Լեմանի ափին	83
ՄՏՔԻ ԹԵՎԵՐՈՎ	
Եղբայրություն	87
Տևդերի վանքում	89
Սփռվանք	90
Արարչություն	91
Նրան	92
Նոր տարի	93
Աշուն	94
Զգտում	95
Լոնդոն	96
Լիալուսին	97
Ասիզի	98
Մայրամուտ	99
Հոռմ	100
Լուսերգ	101
Գիտեմ	102
ՀԱՎԵՐԺ ՊԱՏԱՐԱԳ	
Աղետ	105
Բողոք	112
Ռեքվիեմ	115
«Խօսք ընդ Աստուծոյ»	119
Վիրավոր Հայաստանին	120
Բեթիանա Լորի	121
Ծունչ հարության	123
Մխիթարանք	126
1989	127
Սիրտ իմ	128
Եկ, խաղաղություն	129
Հարություն	130

ՀՈՒՅՍ ԿԵՆԱՐԱՐ	
Հույս կենարար	133
Հին կաղնին	134
Փափագ	135
Մարդ	136
Օրհնեբզություն	137
Հայրենի հող	138
Խոսք երախտիքի	139
Տիրամորը	141
Մոսկովյան մտորումներ	142
Կանչ արդարության	143
Ծիրանի ծառ	144
Կարոտախտ	145
Մղձավանջ	146
Հիվանդ ընկերոջս	147
Ես եմ մեղավոր	148
Եղբայրական	149
Նոնեմիս	151
Վշտից բերկրանք	152
Սպասում	153
Սֆինքս	154
Երգ արևի	155
Երուսաղեմ	156
ՔՆԱՐ ՀՈՎՎԱԿԱՆ	
Հրով անմահ Վարդանանց	159
Առավոտ լուս	162
Աշնանային	163
Ողորմածաց երանի	164
Խնորանք	165
Սուրբ Հոգի	167
Բաժանում	168
Փոքրիկ Տիգրանուհուն	169
Ընորհակալություն	170
Վասն արծաթի	171
Սակավ ընտրյալք	172

ՆԵՐՍԵՍ ՎԱՆԱԿԱՆ

ՔՆԱՐ ՀՈՎՎԱԿԱՆ

Խմբագիր՝

Գեղ. Խմբագիր՝

Տեխ. Խմբագիր՝

Վերստուգող սրբագրիչ՝

Ա. ԱՅՎԱԶՅԱՆ

Ֆ. ԿԱՐԱՂՅԱՆ

Գ. ՍԻՐԵԿԱՆՅԱՆ

Զ. ՓԻԼՊՈՍՅԱՆ